

雜病源流犀燭

沈氏尊生書卷二十七

雜病源流犀燭

胸膈脊背乳病源流

沈金鰲撰

胸痛肝病也。膈痛膽病也。肝血虛肝氣寔因而上逆于胸所以痛。胸者肝之分。肺心脾肝胆腎心包七經脈俱至胸。然諸經雖能令胸滿氣短而不能使之痛。惟肝獨令胸痛。故屬肝病。凡人心下有膈膜前齊鳩尾後齊十一椎周圍着脊所以遮隔濁氣不使上熏心肺。十二經脈惟膀胱經不貫膈。餘皆能令膈痛。今專屬少陽胆者以少陽相火為胃府熱水穀而膈之下即為胃故少陽相火為災每易侵及于膈。故屬胆病。試言之。肝虛胸痛引腰宜補腎。補腎所以補肝也。宜六味丸加首烏牛膝肝是胸痛不能轉側善太息宜疏肝。宜飲胸痛常欲踏壓其胸先未痛但欲飲熱名曰肝着。宜旋覆湯胸痛短

身形

胸膈脊背乳

卷二十七

一

氣是水氣。宜五苓散胸痛痞塞。痰氣爲害。宜二陳湯胸痺急痛如錐刺。難于

俛仰。汗出。或徹背上。不速治。或至死。宜生韭汁胸痺痛引背。喘息咳唾

短氣。寸沉遲。關緊數。宜瓜蒌一个。薤白半斤。白酒七斤。煮二升。分二服。加半夏四兩。尤妙。膈痛者。痛

不當。心橫胸間是也。宜寬中散胸膈隱痛。腎虛不納氣。氣虛不生血也。

宜補肝散虛弱。心膈痛。牽引乳肋肩背。自汗。人多患此。乃元氣上逆。宜十

全大補湯膵胸肺寔。脹滿有痰。肺虛也。忌破氣發散。亦忌收澁。當降氣

消痰。宜枇杷葉湯至如胸痛與結胸有別。痞輕而結胸重也。痞有久患

不愈者。結胸不可久也。大約胸滿不痛者爲痞。滿而痛者爲結胸。

治法雖始終畧同。自有重輕之異。先卽胸痞。明之。東垣曰。太陰濕

土。主壅塞。乃土來心下而爲痞也。傷寒下早亦爲痞。乃寒傷榮血。

心主血。邪入之。故爲心下痞。仲景瀉心湯數方。皆用黃連瀉心下

之土邪。其效如神。酒積雜病下之過。亦作痞。蓋胸中之氣。因虛下

陷于心之分野。故心下痞宜升胃氣以血藥兼之。若全用導氣則
 氣愈下降。必變為中滿鼓脹矣。据此則知痞之為患。只是胸膈飽
 悶而不舒暢。外無脹急之形。非若脹滿之內脹。而外亦有形也。要
 之痞。總由于氣血不運。內經所謂太陰所至為積飲痞膈。故知是
 土邪之為患也。然其致痞亦各有因。因于寒者為寒痞。脈必遲。口
 不渴。宜枳寔
理中湯因于熱者為熱痞。脈必數。煩且渴。宜黃連消痞丸
加味陷胸湯因
 于痰者為痰痞。脈必滑。脇下痛。宜柴胡
半夏湯因于虛者為虛痞。脈遲弱。
 大便秘。宜枳寔
消痞丸因于寔者為寔痞。脈洪寔。大便秘。宜厚朴
枳寔湯又有痛
 痞。必喘急妨悶。其痛徹背。宜瓜
蒌寔丸又有食已即痞。必多痰火。宜平
補枳
木又有飲食不消痞。必調養脾胃。升降陰陽。宜香砂
養胃湯又有積年累
 月久痞。必消痰調中扶脾。宜黃連
消痞丸又有不論寒熱煩悶欲死之痞。
 宜桔梗
枳壳湯 又有內熱中悶。夜不安卧。卧則愈悶之痞。宜解鬱
和中湯又有心

下痞堅嘔噦。宜生姜半夏濃煎湯飲又有膜外氣痛痞塞。或有氣塊。猪胰炙

胡索末此各因其痞之由來而治之者也。若乃飲食傷脾。心胸痞

滿兀兀欲吐者。則吐之。宜瓜蒂散其尤甚者。則下之。宜枳實導滯丸此

又當臨時酌量者。結胸之症。亦有辨有大結胸。胸連臍腹痛硬。手

不可按。日晡潮熱。不大便者是也。宜大陷胸湯有小結胸者。正在

心下。按之則痛者是也。宜小陷胸湯有寒寔結胸。身不熱。口不渴。別無

熱症。只心中脹硬而痛者是也。宜枳實理中丸有熱寔結胸。懊憹

煩躁而渴。心下滿硬者是也。宜加味陷胸湯有水結胸。身無大熱。頭

與脇間微有汗出。心下滿。揉之汨汨有聲。由傷寒飲水過多。水停

心下者是也。宜赤茯苓湯有血結胸。胸腹痛。連腰脇背脊。

上下攻刺痛。痛不可忍。手不可按。甚而搖擗者是也。此惟婦人有

之。因患傷寒。經血適來凝滯。或經血適去。尚有餘血未散之故。宜

海

蛤散元。有陰毒陽毒結胸。傷寒陰陽二毒伏逆。變成結胸。或自利。或不利者是也。此必服藥令泄。方大汗而解。若心下已結。延至五日。便不可治。陽毒宜活龍散。陰毒宜破結丹。有支結症。傷寒未曾下。而心下妨悶。不滿不硬。非痞亦非結胸者是也。宜柴梗湯。柴陳湯。胃虛宜半夏瀉心湯。桂枝人參湯。此各因結胸之異而治之者也。總之結胸之症。惟傷寒有之。餘病則否。故仲景謂傷寒病發于陽而反下之。熱入。因作結胸。病發于陰而反下之。因作痞。所以成結胸者。以下之太早之故。据此。即傷寒症非下之太早。亦無結胸也。

脈法 仲景曰。脈陽微陰弦。則胸痺而痛。陽微故知在上。焦陰弦故知胸痺而痛。又曰。胸痺寸口脈沉而遲。關上小緊而數。脈訣曰。胸痞脈滑。為有痰結。弦伏亦痞。澁則氣劣。正傳曰。痞病若關脈多弦。弦而遲者。必心下堅。

胸膈名義部位。靈樞曰：胸腹者，臟腑之郭也。膻中者，心王之宮城也。綱目曰：膈者，心肺之分野也。入門曰：胸者，呼吸所經，飲食所過，失節則邪氣聚，疾病交至胸中，乃有凶之兆。故曰：胸膈膜在心肺之下，與背脊胸腹周圍相着，如幕不漏。膈者，隔也。遮膈濁氣，不使上熏心肺，故曰膈。又曰：胸之下，胃腕也。貫膈與肺系相並，在肺系後，其上即咽門，胃腕下，即胃之上口，名賁門。其膈膜相貼之間，亦漫脂相包也。又曰：胃腕貫膈，與心肺相通。膈膜相絡也。又曰：心包絡在心下橫膈膜之上，豎斜膈膜之下，與橫膜相粘，黃脂漫包者，心也。漫脂之外，細筋膜如絲，與心肺相連，此包絡也。銅人圖曰：手太陰之脉，上膈屬肺，手陽明之脉，下膈屬大腸，足陽明之脉，下膈屬胃，絡脾，足太陰之脉，上膈挾咽，其支者別上膈，注心中，手少陰之脉，下膈絡小腸，手太

陽之脉下膈。屬小腸。足少陰之脉上貫肝膈。手厥陰之脉下膈。歷絡三焦。手少陽之脉下膈。偏屬三焦。足少陽之脉貫膈絡肝。屬胆。足厥陰之脉上貫膈。布脇肋。以上十一經皆貫膈。惟足太陽之脉循下于背。獨不貫膈。

痞結胸症治 丹溪曰。心下痞。須用枳實炒黃連。如稟寒氣。痞而痞。宜枳實枳殼青皮陳皮黃連。如稟弱氣弱。飲食不化而痞。宜白朮山查陳皮神麩麥芽。如肥人痞。乃濕痰。宜蒼朮半夏砂仁滑石。如瘦人痞。乃鬱熱。宜黃連枳實葛根升麻。如感食不化而痞。宜藿香草薶砂仁吳萸。如痞挾血成窠囊。宜桃仁紅花大黃香附。 活人書曰。傷寒本無痞。應發汗。醫反下之。遂成痞。枳殼理中湯最妙。審知是痞。先用桔梗枳殼湯尤妙。桔梗能行氣故也。 海藏曰。痞自血中來。治痞獨益脾土。以血藥佐之。其法

無以加矣。醫說曰：仲景云：結胸脉浮大者不可下。下之即死。又曰：結胸症悉具，煩躁者死。亦可知結胸之所以治，所以不可治矣。入門曰：結胸見陰脉陰症，及喘急呃逆者死。

脊痛督脉病也。背痛肺經病也。故經曰：督脉主脊。又曰：肺膈在背。

二經虛感受六淫之邪，則害痛。試詳之：脊以髓滿為正。房慾過度。

脊髓空則痛。宜補腎。宜六味丸。膀胱經脉挾脊，分左右上項。賊風乘虛。

入。倔強不能屈伸。宜羌活、前胡、防風、茯苓。先脊痛及背與肩是腎氣上逆。宜和。

氣。脊痛項強，冲頭痛，寒風所搏。宜羌活、勝濕湯。腰脊痠削齒痛，手足煩疼。

不能行動，骨弱也。宜虎骨酒。以上脊病所屬，背之為病有數端。蓋背為

陽，腹為陰。陽不足則背冷而惡寒，或痛或不痛。陽衰陰必盛，陰盛

故日中不和。宜附子湯。若背微惡寒，渴燥心煩，乃陽氣內陷，裏寒熱也。

宜人參、白虎湯。內伏寒痰，則寒從背起，冷如掌大一塊，或一條如線，而寒

起或一片冰冷皆是也故仲景云心下有留飲其人背惡寒冷如

冰茯苓丸主之宜導痰湯合蘇子降氣湯而背寒又宜辨陰陽如傷寒陽明症

背上惡寒者必口中乾燥少陰症背上惡寒者必口中和此寒熱

之分也又曰背熱此則屬肺蓋肺居上焦故肺熱則應于背而亦

熱也宜人參瀉肺湯又曰背痠肺膈在背故肺病令人逆氣喘咳肩背痛

宜通氣防風湯若兼脊痛項強腰似折則另法治之宜羌活勝濕湯而邪客于腎

亦令頸項肩背痛宜溫散寒濕中乎太陽肩背痛不可回顧宜通氣防風湯

風熱乘太陽亦肩背痛必小便數少宜通氣防風湯以上皆邪客于諸經

而為病者也若肩背沉重痛是濕熱宜當歸拈痛湯寒濕相合則腦痛脊

骨脚眼痛膝膕皆痛宜蒼朮復煎湯素有痰肩背痛痛必帶痠宜導灸湯久坐

脊背痛虛弱之故宜補中益氣湯跌撲肩背痛必多瘀血宜地龍湯呵欠伸背

舒腰脚痠勞倦數欠為陽虛不能勝陰宜補中益氣湯背心一點痛寒所

聚也

宜三合湯

又曰脊背強靈樞云督脉之别名曰長強其病寔則脊

強又曰足太陽之脉病則腰脊強痛此脊背強所由來也而亦有

手足太陽二經中濕氣鬱不行以致項強背脊俱痛者

宜羌活勝濕湯

膀胱腎間冷氣攻冲背脊腰脊俯仰不利者

宜烏沉湯

又曰背偃僂年

老偃僂者甚多皆督脉虛而精髓不充之故此當用補腎益髓之

劑若少壯之人忽患偃僂并足攣脉沉弦而細皆中濕故也

宜煨腎散

冷上吐下瀉

內經曰濕熱不攘大筋縲短小筋弛長縲短為拘弛長為

痿註云大筋受熱則縮短小筋得濕則引長故又有背偃僂而腰

脊間骨節突出者

宜煨腎散令上吐下瀉

以上背病之屬

脉法

靈樞曰督脉緩甚為折脊

內經曰寸口脉中手促上

擊者曰肩背痛

仲景曰脉大者心下有留飲其人必背寒冷

丹溪曰凡背惡寒甚者脉浮大而無力是陽虛也

脊背病形病 內經曰背者胸中之府背曲肩隨胸將敗矣

正理論曰人背有三關腦後名玉池關夾脊曰韃韃關水火之際曰尾間關乃精氣升降之道路也尾間又名龍虎穴尾間穴之骨頭圓如灌金上有九竅內外相連卽泥丸宮也脊骨兩傍三條逕路上冲直至泥丸宮下降復至丹田復至尾間穴

背痛導引法 保生秘要曰以掌擦之九九乘熱交搭左右二肩躬身用力往來搨動九九之數加以後功

運功 保生秘要曰卽行良背大小圈法後行手指至指甲散出滯氣于疼病亦如之左疼行左右疼行右二肩手疼分而行之效

乳痛肝氣橫逆脾氣消沮病也乳房屬胃乳頭屬肝人不知調養忿怒所逆鬱悶所過厚味所奉以致厥陰陰血不行遂令竅閉而

不通陽明之血壅沸。更令熱甚而化膿。是以結核而成乳症。此固
女子常患之。而男子則稍有異者。蓋女子常損肝胃。男子常損肝
腎。故有怒火房勞過度。以致肝燥腎虛。亦如女子結核腫痛者。此
男女所以異而同。同而異也。當分別治之。男宜十六味流氣
飲清肝解鬱湯。若女
子乳病。則有腫而痛者。宜牛蒡
子湯。有始而但腫硬不痛。後微痛者。宜
解
爵湯鹿
角散。有但痛不即腫者。宜蒲公英汁冲酒
服以渣貼患處。然女子乳病。最重者
莫如乳懸。因產後瘀血上攻。忽兩乳伸長細小如腸。一般垂下。直
過小腹痛不可忍。此危症也。亦奇症也。遍攷古法。急用川芎當歸
各一斤。濃煎湯。不時溫服。再用二斤。逐漸燒烟。放桌子下。令病人
曲身低頭。將口鼻及病乳常吸烟氣。未甚縮。再用一劑。猶不復舊。
則用如聖膏貼頂上。無不愈。其次則有乳癰。乳巖。吹乳。此三者係
外症。另詳于後。又其次為妬乳。或由嬰兒不能吮乳。或由兒口氣

所吹或斷乳之時。未能擠捻令盡。皆致乳汁停畜。停畜不去。又與

血氣相搏。便結惡汁于內。始而引熱。堅結腫痛。手不可近。大渴引

飲。既而便成妬乳。却非癰也。急忍痛擠持之。令乳汁出。皆如膿狀。

內服藥。宜連喬湯橘皮散勝金丹至如乳頭破裂。是為險候。必用大補之劑。宜

參當歸白木白芍川芎連喬甘草各一錢婦人產前乳汁自出。名曰乳注。生子多不育。

此亦先兆如此。非閑疾病。產後不因兒吮。亦有乳汁自出者。由虛

之故。亦必大補以止之。若產後乳汁不行。有由氣血弱而枯涸者。

當補。宜通乳湯有由氣血盛而壅阻者。當疏。宜漏蘆散有乳汁雖有。却不甚

多者。以婦人之乳。資于衝任衛三經。或素有疾在衝任。飲食不調。

乳汁必少。而芽兒食之。亦怯弱多病。當服通經藥以動之。仍作養

懼以導之。宜湧泉散有屢產而總無乳者。由津液素虧之故。急服滋益

藥以補助。宜湧泉散中有由氣滯而乳少者。宜漏蘆散有由氣塞而乳

加滋補藥

少者。宜湧泉散總之乳汁不行。雖各有故而通利之法則一。或一時無

醫。不知所以。自有總治之法。宜通乳湯立效散通草湯其有富貴家已不乳子

及子死無人飲乳者。當消。宜麥芽末三四錢四物湯調下乳病多端如此。總之男

以腎為重。女以乳為重。故如男子跌撲傷損腎。往往死。女子跌撲

傷損乳。亦往往死。故入門曰。女人屬陰。陰極則必自下而上。衝是

以乳房而陰戶縮。男人屬陽。陽極則必自上而下降。是以陰莖垂

而乳頭縮。夫是故知女乳男腎。上下雖不同。而為性命之根。則一

也。

乳病症治 繆仲淳曰。乳之有病。或痛或腫。皆由肝經血虛。風

熱相搏。或鬱火傷血。甚而乳內結核。且至腫潰不愈。此非清肝

解鬱湯不能治。

癰疽之發。或由臟腑。或由六淫。所發之處不同。所發之名亦不一。

今試卽胸膈脊背乳五處所生外症而悉言之如并疽者發于胸

者也其候心躁如焚肌熱似火唇焦口渴欲飲水多盜汗宜仙方活

命飲加黃連或下宜內疎湯或汗金丹斟酌為治倘至惡候發現尤當

連枯梗夫胸兩旁高處曰膺亦曰臆甘疽者發于膺者也其

色青其候苦寒熱治之之法與上并疽同夫胸之中曰心窩心窩

之上兩乳之間曰臙中為氣海能分布陰陽臙中發者發于臙中

者也其候熾熱腫痛緣臙腑中陰陽不和七情鬱結所致宜仙方活命飲

加紫蘇薄荷汗脾發疽者又生心窩下兩旁者也其候漫腫熾熱

之或用勝金丹脾發疽者又生心窩下兩旁者也其候漫腫熾熱

皆由過食炙煇醉飽入房脾土受傷所致治法畧同上數症亦可

汗下膈本一膜如紙厚無餘地故亦無專疽胸膈之後為背背之

中為脊脊者脊骨也膺骨以下至尾骶共二十一節分上中下三

段每段各有七節節又名椎故不曰一節至二十一節而曰一椎

至二十一椎其毒之生于脊骨間者如十一椎脾俞之下十四椎

之上其地為腎俞腎俞下為腰俞此兩處皆屬至虛如癰疽發于

腎俞為腎俞發須防毒氣內攻須急用參芪歸朮等補得內氣充

寔宜內托榮衛湯內托方可放破且易得潰潰後尤宜峻補勿稍

淹延宜加味十全湯致成漏管不拘男女最要是絕慾腰俞發毒另詳腰

膈篇毒發自胃俞下至腎俞之地名土龍疽必大發寒熱身灼如

火焚宜仙方活命飲九日可刺膿血者愈膿青黑者死失期不刺

必上下俱黑二十日死毒發自肺俞及肝俞名特疽宜仙方其色

赤肉起如椒子者死八日可刺如不穴二十日死毒發自心俞及

心包絡俞名蜂疽宜仙方其色赤黑十日刺之膿清者不治二十

日不穴死毒發夾脊兩邊大筋上其色蒼名筋疽內必有瘡在肥

腸中治之早且得法急用藥解之宜神效如期八日刺之或猶可

生不然九十日死。夫諸俞皆屬于脊。故所發瘧毒亦屬于脊。若乃背有三發。俱屬于脊。以脊與背相附。其為處可分而不可分也。何謂三發。發于天柱骨下。其傷在肺。為肺後發。中發發于厥陰俞下。其傷在肝。為對發。下發發于脾胃二俞下。其傷在腎。為對臍發。夫三發之為地。雖有上中下之分。而其為症。則不分上中下而總上中下有陰陽之別。虛寔之殊。如毒發壅盛。焮熱如火。焚初如手掌。大五七日如盆如碗。四圍赤暈。浮面漸潰。去紫瘀膿汁甚多。而腫仍不退。痛仍不止。發渴發嘔。氣逆喘急。浮淺悶澗者。尤宜發膿托毒。此為陽症。屬寔。初起宜仙方活命飲托裏散。繼用托裏消毒散。排膿內補十宣散。如毒氣深沉。外面腫發。只大如盞口。其是內虛毒已近膜。必至攻入臟腑。入四肢。或先攻頭面。次攻手足。毒氣流散。不可止遏。其候必聲嘶氣脫。眼黑睛小。十指腫黑。乾焦。此為陰症。屬虛。為險症。難治。宜內托復煎散。神秘。

身形

胸膈脊背乳瘡瘍

卷二十七

九

散指麻精要云發背之名雖多總不越陰陽兩症若初發一粒如豆
便身熱焮赤疽處腫大熱痛此外發也屬陽雖如盆盃可治初起
身不熱覺倦怠疽處亦不熱數日漸大不腫不痛却低陷而壞爛
此內發也屬陰難治据此益可見陰陽兩症卽外象亦屬顯然矣
乃繆仲淳又謂發背有五一日陽毒二曰陰毒三曰服金石燒煉
藥毒四曰酒食毒五曰冒山嵐瘴氣毒此言陽毒者先因風熱或
患熱毒消渴或先患傷寒餘毒蓄積于背脊之間不拘椎數但
從兩夾脊起滿背焮熱赤紫或紅如焰膿毒難成成後痛不除數
日間忽然平塌味者誤爲腫消殊不知此是內攻內陷不可復藥
矣其言陰毒者乃氣冷而作初如黍米隱痛直應前心頭目昏重
寒熱如瘧五七日後始覺攻腫膿毒深沉遲緩未透急宜以補氣
湯藥內托外以抽膿藥貼之其言金石燒煉藥毒者初如丹疹狀

藥染漸開如湯火傷面赤心膈煩躁多渴嗜冷其瘡難起起則驚
人更甚於陰陽二毒須以解金石毒湯散急治其內方保無虞宜
云其言酒食毒者平時飢後飽食即睡或過食酒食炙煇肥鮮積
于臟腑恣意當風脾虛不能承受致毒發于背不拘椎數初起小
彈子大後如拳堅如石痛引手足且拘急口苦舌乾腹急便澁十
數日後頭面手足浮腫便泄急痛如刺初腫時急用收腫發穴漬
膿湯藥內是臟腑外泄膿水若治之遲緩潰腐愈多傷骨爛筋復
感外邪而致內敗死矣其言山嵐瘴氣毒者觸冒嵐瘴苗之臟腑
日久及氣血衰損而發初腫色青黑形如靴皮附筋徹骨頑如木
石引手加深色變青白如拳打狀寒戰如瘧頭動口歪又若有風
手足厥逆眼黑睛小白多急宜破清血三五升方出黃白膿然其
皮猶腫痛不止直至青黑色退盡方愈此宜急急追趕膿毒出外

方為無害。否則必死。仲滔之言五毒乃于陰陽兩毒外復為推類。

至盡者也。其陰陽兩毒方治已詳在前。而金石毒宜綠雲散黃連解毒湯犀角地

黃湯或以麻油一升。薤白三升。微火煎黑去渣。合酒每飲二三合。至百日氣血充盛也。酒食毒宜托裏散寸

散。山嵐瘴氣毒宜寸金丹仙方活命飲皆當攷核方劑以治之。由

是而症雖險惡無憂矣。他如酒毒發生。當背心腫痛及麻木累累

如彈如拳。堅硬如石。由飲酒太過毒結也。宜神效消毒散黃連如解毒湯加羌活葛根

老鼠攢又名遊走血脾瘧。生背脇之間兩三處。症屬肝胆二經。由

怒氣熱毒壅積也。宜黃連解毒湯或仙方活命飲加黃連山梔其治雖以順氣清熱為

主。而或汗宜紫金丹或下宜五利大黃湯或老弱宜補加味十全湯皆臨時

斟酌。如黃瓜瘰生背上。長徑尺狀如黃瓜。故名疼痛引心。四肢麻

木。難治症也。宜急服仙方活命飲加羌活柴胡或紫金丹勝金丹如背上細癩無數。浸淫開

潤如湯火傷。必煩躁口渴。亦即丹毒也。宜黃連消毒飲以上皆背瘍之屬。

若夫乳癰者。因忿怒鬱悶。或厚味太過。致厥陰之氣不行。竅不得通。陽明之血沸騰于內。熱甚化膿。亦或所乳之子。口氣多熱。含乳而睡。熱氣所吹。遂生結毒。若初起時。忍痛揉令稍軟。吮令汁透。自可消散。失此不治。必成癰矣。古人治乳癰之法。必用青皮以疎肝滯。石膏以清胃熱。甘草節以行瘀濁之血。瓜蒌寔以消腫導毒。再加沒藥角刺。橋葉當歸金銀花以少酒佐之。此治寔之法也。宜以膏芷貝散

為主治 若氣虛壅滯。不宜專任剋伐。宜四君子湯

必扶脾理氣。宜歸脾湯加貝母白芷花 若肝火鬱結。成核腫痛。必理肝氣解鬱結。方為正治。宜清肝解鬱湯萬金一醉膏 虛者兼補。宜托裏

消毒散 若初起。焮痛寒熱。當發散表邪。宜內托升麻湯去肉桂 腫焮痛甚。當清肝解毒。宜連喬橋葉 若胃氣虛。或鬱滯。飲食少進。急當扶胃。宜茯苓

開胃散 若將潰時。兩乳間生黑頭瘡。頂下作黑眼。急托裏
 身形 胸膈脊背乳瘡瘍

宜毒使無內陷

宜內托升麻湯

若已潰而猶寒熱不止當疏導壅滯

宜內托

宣散若已潰而哺熱內執當清火解毒

宜黃連解毒湯

若過勞腫痛

宜八物湯倍參

芪歸木

過怒腫痛

宜八物湯加山梔

胃虛作嘔

宜六君子湯加乾姜藿香

病不一治亦不

一其詳究焉若潰腐日久而至傳囊則惟補其元氣而已

宜歸脾湯然

或傳囊至一半必死雖盧扁無濟也繆仲淳云男子亦有患乳癰

者乃因房慾過度肝虛血燥腎虛精怯不得上行所致

宜瓜蒌散十六味流

飲餘症彷彿女人所患慎勿輕用清熱敗毒之劑其言當切記也

乳巖者乳根成隱核大如棋子不痒不痛肉色不變其人內熱夜

熱五心煩熱皆曰憂鬱悶怒朝夕累積肝氣橫逆脾氣消沮而成

至五六年七八年之久方成瘡陷以其瘡形凹嵌似巖穴之狀故

名是時雖飲食如常必洞見五臟而死蓋至此而不可治矣誠惡

症也須于初起之時多服疏氣行血之劑以攻散之方為良法

宜

六味流氣飲。或加味逍遙散。或以追風逐濕膏貼而散之。亦稱神劑。鹿角膠一味。消巖聖藥。隔蒜灸亦妙。總當以初起時選用。而丹溪治乳巖法。用青皮四錢。水盞半煎一盞。徐徐咽之。日一服。論者謂此方還應加貝母。橘葉。連翹。自然銅等藥。良是。但如體弱人。終當酌量施治也。吹乳者。乳房結核。日漸腫大。不早治。便成癰癤。出膿血。皆由肝胃二經鬱熱滯血所致。或所乳之子。膈有滯痰。口氣熱。含乳睡臥。熱氣吹人乳竅。亦成結核。患此者。亦當于初起時忍痛揉稍軟。吮令汁透。亦自消散。然吹乳之生于產後者。各外吹乳。亦有生于產前者。各內吹乳。而治法則同。宜芷貝散。橘皮散。立效散。神效瓜蔓散。蒲公英酒。

五發最險。直指曰。發腦。發鬢。發眉。發頤。發背。是為五發。至險其症皆令人頭痛惡心。寒熱氣急拘攣。正腦上一處起為腦癰。皮起易得破穴。急破出膿。不害。又腦疽皮厚難得破穴。須急發。

內毒使破穴。方可。又腦鑠。初起如橫木。色青黑如靴。爲發硬。不見膿。難愈。此三症。並在大椎骨上。入髮際生。左右鬢生瘡疽。是爲發鬢。亦危篤。左右額角及太陽穴生。皆同。左右眉稜生。爲發眉。亦重。鼻下人中及下頤。發爲發頤。又曰發鬢。亦害人。背後五臟俞分生。瘡疽。是爲發背。最重。究其病原。有風有氣有食。有藥毒。有房勞。風則多痒。氣則多痛。食則發寒熱。藥毒則堅硬。房勞則瘦弱。風氣食三種易療。藥毒房勞二者難醫。五發皆用五香散。五香湯。

發背症治 薛立齋曰。發背屬膀胱督脉經。或陰虛火盛。或醇酒厚味。或鬱怒房勞。均可致之。脉洪腫痛者。爲熱毒。易治。脉數無力。色黯作渴。爲陰虛。難治。脉微細。不痛不腫。爲甚虛。尤難治。又曰。腫焮作痛。寒熱作渴。飲食如常。此形氣病。氣俱有餘。先用

仙方活命飲。次用托裏消毒散。若頭痛拘急。乃表症。先服人參敗毒散。次用金銀花散。神效。托裏散。焮痛腫硬。脉寔。用清涼飲。活命飲。腫硬木悶。疼痛發熱。煩躁引飲。便秘脉沉者。內疏黃連湯。清涼飲。大便已利。欲作膿者。活命飲。托裏散。漫腫微痛。色不赤。不思飲食。此形氣病氣俱不足。用托裏散調補之。若不作膿。膿成不潰。陽氣虛也。托裏散加參芪肉桂。膿出而反痛。或膿清氣血俱虛也。八珍湯調補。惡寒不斂。陽氣虛也。十全大補湯。瞞熱內熱。或不收斂。陰血虛也。四物加參朮。作嘔欲吐。或不收斂。胃氣虛也。六君子加炮姜。食少體倦。不收斂。脾氣虛也。補中益氣湯。加茯苓半夏。肉赤不斂。血熱也。四物加山梔連喬。肉白不斂。脾虛也。四君子加木香酒炒白芍。又曰。若初起未發出。而寒熱疼痛。作渴飲冷。此邪氣蘊也。仙方活命飲。口渴飲熱。渴腫微

痛元氣虛也。托裏消毒散。飲食少思。肢體倦怠。脾胃虛也。六君子湯。不應加姜桂。若真氣虛。邪氣盛。不能發出。亦有死者。在旬日外見之。若已發出。用托裏消毒散。不腐潰。用托裏散。不應急補脾胃。若真氣虛。不能腐潰。亦有死者。在二旬之外見之。若已腐潰。用托裏散。以生肌。不應急溫補脾胃。若脾氣虛。不能收斂。亦有死者。在月餘外見之。大抵初起。邪氣盛大。用隔蒜灸法。終不痛。但未潰以前。皆可灸。更用籬藥圍之。更用烏金膏點之。候有瘡口。以烏金膏或翠青錠子維之。又曰。治發背。有火照方。名神燈照火方。并敷藥二方。俱秘方也。千金不易。精要曰。凡瘡疽初發。腫硬高起者。毒氣却淺。此乃六腑不和。爲瘡。症屬陽勢。急而易治。若初發如粟粒。如豆許。與肉平等。或作赤色。或覺痒甚。勿抓破。此乃五臟不調。爲疽。屬陰毒。氣內畜。勢緩而難瘳。

乳癰乳巖症治 千金方曰女人患乳癰四十以下治之多愈。四十以上治之多死。不治則自終其天年。入門曰婦人積傷憂怒致生乳巖。五七年後外腫紫黑內漸潰爛滴盡氣血方死。惟清心靜養始苟延歲月。丹溪曰一婦年六十性急多妬忽左乳結一核大如棋子不痛卽以人參湯調青皮甘草末入姜汁細細呷一日夜五六次至六七日消矣又一婦性躁難于後姑乳生隱核以單煮青皮湯間以加減四物湯加行經絡之藥治兩月而安。此皆乳巖初起之症故易治。單煮青皮湯用青皮四錢水煎日三服。

治胸膈脊背乳病方七十

六味丸

補腎 熟地八兩 山萸 山藥各四兩 丹皮 茯苓 澤瀉各三兩

寬胸飲

礞石 柴胡 鬱金 川芎 當歸 枳殼 香附 陳皮 砂仁 甘草 延胡索 梔香

身形 胸膈脊背乳瘡瘍方 卷二十七 十四

旋覆湯

肝着 旋覆花 細辛 赤苓 前胡 鮮枇杷
水氣 肉桂 白木 茯苓 猪苓 澤瀉

五苓散

痰氣 茯苓 陳皮 半夏 甘草

二陳湯

寬中湯

膈痛 木香 丁香 砂仁 厚朴 青皮
陳皮 香附 甘草 白朮 川芎 當歸

消肝散

又 五味子 山藥 木瓜 獨活 棗
黃芪 熟地 白朮 桑葉 花柳 沙參

枇杷葉湯

百合 薄荷 射干 前胡 枇杷葉
虛弱 人參 當歸 黃芪 白朮 白芍

十全大補湯

熟地 茯苓 川芎 肉桂 炙草 白芍
胸痞 人參 白朮 茯苓 炮姜 枳寔

枳寔理中湯

炙草 蜜丸 每兩作四九 湯下
此方如傷寒結胸心痞滿手不可近氣欲絕

黃連消痞丸

又 黃連 黃芩 各六錢 枳寔 五錢 半夏
四錢 姜黃 白朮 澤瀉 各三錢 人參

陳皮 厚朴 各二錢 猪苓 錢半 砂仁 乾
姜 神曲 甘草 各一錢 蒸餅 九湯下 百九

加味陷胸湯

又 黃芩 桔梗 枳殼 各錢半 瓜蒌仁 黃連
黃芩 半夏 麥冬 各一錢 姜 五片

枳寔消痞丸

又 枳寔 黃連各五錢 厚朴四錢 半夏
曲 人參 白朮各三錢 乾姜 茯苓 麥
芽 甘草各二錢 蒸餅丸 一名失笑丸

柴胡半夏湯

瓜蒌寔丸

又 瓜蒌仁 枳壳 半夏 桔梗各一兩
姜汁糊丸姜湯下 瓜蒌潤肺降痰枳寔破滯
氣半夏燥濕桔梗開膈可云善治痞悶之至矣
火動則痰生本方加黃連尤妙

平補枳朮丸

又 白朮三兩 白芍兩半 陳皮 枳寔
黃連各一兩 人參 木香各五錢 荷葉濃
湯煮糊丸 白朮補脾氣為君白芍補脾血為
臣陳皮枳寔消痞黃連清熱為佐人參補氣木
香調氣為使可云平補

橘皮枳朮丸

又 白朮二兩補脾 枳寔一兩消痞 陳皮
一兩和胃 此方補瀉簡當
香砂養胃湯 又 白朮 陳皮 茯苓 半夏各一錢 香
附 砂仁 木香 枳寔 蔻仁 厚朴 藿
香各七分 甘草三分 姜三 棗二

桔梗枳壳湯

又 桔梗 枳壳各二錢 甘草一錢 姜五

身形

胸膈脊背乳癩方

卷二十七 十五

瓜蒂散

又

枳寔導滯丸

又 大黃一兩 枳寔 神曲各五錢 茯苓 白朮 黃連 黃芩各三錢 澤瀉二錢

大陷胸湯

結胸 大黃三錢 芒硝二錢 甘遂末五分 分二帖先煎大黃至半入硝一二沸去渣入 甘遂末攪服如已快利即止後服

大陷胸丸

又 大黃五錢 葶藶 杏仁各三錢 芒硝 二錢半 甘遂末一分 蜜丸彈子大每一丸 水煎服

小陷胸湯

又

三物白湯

又 桔梗 貝母各三錢 巴豆去皮心炒研 如脂二錢 每服五分白湯下 虛人二分五 厘或吐或利如不利進熱粥一碗利不止進冷 粥一碗

紫陷湯

又 半夏三錢 瓜蒌仁 柴胡各二錢 黃 連 黃芩各一錢 人參七分 甘草五分 姜三片 棗二枚 此即小柴胡湯合小陷胸 湯也

赤茯苓湯

又 赤苓 半夏各二錢 陳皮 人參 芎 白朮各一錢 姜三

枳木湯

又 白木四錢 枳實二錢

海蛤散

又 海蛤粉 消石 甘草各一兩 芒硝五錢 每末二錢 鷄子清調下 小腸壅則膈中血不流服此則小腸通而膈中血自散矣

元胡索散

又 元胡索 當歸 炒蒲黃 赤芍 官桂 各一錢 姜黃 木香 乳香 沒藥各七分 炙草五分 姜三片

活龍散

又 活地龍四條大者研爛入蜜姜汁薄荷汁各一匙新汲水調徐徐灌盡 熱甚加水片少許服後穩睡一覺即探心下片時再令睡有汗即愈

破結丹

又 辰砂 青礞石 葶藶 肉豆蔻 黑丑 頭末 木香 肉桂 附子 巴豆各五錢 輕粉五厘 麝香五分 金箔五片 醋半盞 先研辰砂黑丑附子熬成膏次入諸藥末和此皂夾子大輕粉為衣每二九蜜湯下 陰陽毒伏逆變為結胸五六日大便結攻之不可達之不及此主之

柴桔湯

又 柴胡二錢 黃芩 枳殼 半夏 桔梗 各一錢 人參七分 甘草五分 姜 棗 身形 胸膈痞背乳病方 卷二十七 共

柴陳湯

又柴胡二錢 黃芩 陳皮 半夏 赤苓
各一錢 人參七分 甘草五分 姜 棗
又桂枝 甘草各二錢 人參 白朮 乾

桂枝人參湯

半夏瀉心湯

和氣湯

腎逆 乾姜一分 葛根 升麻各二錢 熟
大黃 枳壳各一錢半 桔梗 蒼朮各一錢
白芍七分 甘草八分 當歸 半夏 白芷
茯苓各四分 小茴五分 川椒十五粒
脊強 烏藥一兩 沉香五分 炙草四錢

烏沉湯

羌活勝濕湯

導痰湯

人參瀉肺湯

三合湯

風寒 羌活 獨活 藜蘆 防風 川芎
炙草 蔓荆子 藜蘆 防風 川芎
背寒 半夏二錢 南星 橘紅 枳壳 赤
苓 甘草各一錢 姜五片 枳壳 連翹
背熱 黃芩 山梔 薄荷 枳壳 連翹
杏仁 桑反 桔梗 甘草 酒大黃各七分
背痛 麻黃 陳皮 烏藥 川芎 姜蚕
白芷 桔梗 枳壳 甘草 乾姜 茯苓
半夏 香附 蘇葉 蒼朮 此即烏藥順氣
散二陳湯香蘇散三方合而成劑故名三合三
方之外須要再加羌活

蒼木復煎湯

刃 蒼木四兩 水二碗煎一碗去渣入羌活 升麻 澤瀉 柴胡 藁本 白朮各五分 川柏三分 紅花一分 煎至半碗去渣服

虎骨酒

骨弱 虎骨一具炙黃焦打碎糯米三升用曲作酒封五十日飲之 陽虛 人參 白朮 白芍 茯苓 附子

附子湯

人參白虎湯

寒熱

通氣防風湯

風熱 柴胡 升麻 防風 黃芪 羌活 陳皮 人參 甘草 藁本 青皮 薤仁 黃柏 氣虛人切不可服

煨腎散

個瘦 甘遂末一錢 入猪腰子內煨食之令上吐下瀉三服無不愈

當歸拈痛湯

濕熱 羌活 防風 升麻 葛根 茯苓 猪苓 知母 甘草 苦參 澤瀉 人參 當歸 白朮 蒼朮 茵陳草

溫腎散

脊痛 熟地錢半 牛膝 巴戟 肉蓯蓉 麥冬 炙甘草 五味子各八分 茯苓 乾姜 杜仲各五分

補中益氣湯

虛弱 炙甘草 人參 黃芪 當歸 白朮 陳皮

地龍湯

癩血 羌活 獨活 肉桂 桃仁 甘草

烏藥順氣散

寒聚 麻黃 蘇木 歸尾 地龍 姜蚕 炮姜 川芎 枳殼 陳皮 烏藥 加羌活 半夏

曲 茯苓

清肝解鬱湯

乳痛 富歸 白朮 各一錢 貝母 赤苓 白芍 熟地 山梔 各七分 人參

六味流氣飲

此方一切肝胆不和之症皆用之 丹皮 陳皮 川芎 甘草 各五分 蘇葉 錢半 人參 黃芪 當歸 各一錢 川芎 肉桂 厚朴 白芷 防風 烏藥

牛蒡子湯

又牛蒡子 山梔 陳皮 甘草 黃苓 連香 花粉 角刺 柴胡 青皮 瓜蒌仁 忍冬 藤

解鬱湯

腫硬 陳皮 遠志 生地 香附 白芍 川芎 當歸 半夏 青皮 茯苓 貝母 蘇葉 桔梗 山梔 木通 甘草 姜

八珍湯

歸脾湯

因虛 富歸 肝脾

人參 白芍

茯苓 熟地

白朮

炙草

川芎

神效瓜蒌散

因虛 瓜蒌 香 沒藥 各一錢

常歸 白芍 白朮 茯苓

甘草

當歸 各五錢

乳

乳

加味逍遙散

柴胡 各一錢

桂皮 山梔 各七分

射干 升麻 獨

活乳 桑寄生 沉香 木香 藿香 丁香

甘草 各七分

水煎服以利為度

連喬湯

活乳 桑寄生 沉香 木香 藿香 丁香

射干 升麻 獨

甘草 各七分

水煎服以利為度

麝香

每末二錢

橋皮散

酒調服一帖即止

去白陳皮 麝香

每末二錢

麝香

每末二錢

每末二錢

勝金丹

黃丹 為衣 每三丸 倒流水下

左乳病 左卧 右乳

病 右卧 于温處 令汗出 即愈

病 右卧 于温處 令汗出 即愈

病 右卧 于温處 令汗出 即愈

病 右卧 于温處 令汗出 即愈

通乳湯

下乳 雄猪蹄 四隻

通草 川芎 各一兩

水五升 煎

水五升 煎

水五升 煎

水五升 煎

穿山甲 炒 黃十四片

甘草 一錢

水五升 煎

水五升 煎

水五升 煎

水五升 煎

漏蘆湯

漏蘆 二錢 半

蛇退 一條 燒

瓜蒌 版一

每末二錢 酒調下 少頃 食熱羹 湯助之

每末二錢 酒調下 少頃 食熱羹 湯助之

每末二錢 酒調下 少頃 食熱羹 湯助之

身形

胸膈脊背 乳瘡 瘍方

胸膈脊背 乳瘡 瘍方

胸膈脊背 乳瘡 瘍方

胸膈脊背 乳瘡 瘍方

胸膈脊背 乳瘡 瘍方

卷二十七 十六

涌泉散

又 羅麥穗 麥冬 穿山甲炮 龍骨 王不留行 等分先吃猪蹄湯後以温酒下藥末一錢仍用木梳梳左右乳上兩三次

立效散

又 桔梗二錢 瞿麥 柴胡 花粉各一錢 通草七分 木通 青皮 白芷 赤芍 連喬 甘草各五分 水煎細飲更摩乳房 又名通草湯

立效散

又 高苕子 糯米各一合 細研水一碗入甘草末三分攪勻煎頻頻細口服 又 木香 丁香 沉香 乳香 麝香 等分每粗末三錢水煎服 一方無麝香有藿香

五香散

治胸膈脊背乳瘡瘍方四十九

仙方活命飲

并搗 穿山甲 白芷 防風 赤芍 皂角刺 甘草 歸尾 花粉 貝母各一錢 金錢花 陳皮各三錢 乳香 沒藥各一錢二味另研為末 水酒煎送下二末

內疎黃連湯

又 黃連 白芍 當歸 黃芩 枳榔 木香 山梔 薄荷 桔梗 甘草各一錢 連喬 大黃各錢半 姜水煎 此方須量人虛實而用

勝金丹

又 製白砒 麝香各五分 蟾酥一錢 黃辰砂 乳香 沒藥 血竭各錢半 全

身

蝎炮 天龍去頭足炙 穿山甲炙各三錢
姜蚕炒五錢 各研末秤準每服三錢砂糖調
蒸頭湯送下

犀角解毒湯

甘草 牛蒡子 荆芥 防風 黃芩 犀角

內托榮衛湯

腎俞發 黃芩 紅花 連喬 蒼朮 酒歸
身 柴胡 羌活 防風 茯苓 人參 炙

甘草各一錢 桂枝七分 水酒煎
此方兼治風濕熱鬱于手足少陽致血脈凝逆
元氣消弱面色腫赤微黯時多忿怒痰色赤黯
腫硬奮然高起其脈洪緩而弦宜發汗以通榮
衛則邪氣去矣

內托復煎散

又 地骨皮 黃芩 茯苓 白芍 人參
監黃芪 白朮 桂枝 炙草 酒防風 酒

當歸各一兩 先以蒼朮一升水五升煎至四
升去蒼朮入煎藥再煎至二升終日飲之加
此方治瘡瘍焮腫在外脈浮若邪氣勝必侵于
內用此托之

加味十全湯

又 黃芪 地黃 川芎 當歸 人參 芍
藥 茯苓 白朮 陳皮各一兩 甘草 肉

桂 五味子各五錢 烏藥七錢 每粗末一
兩加姜棗煎服

身形 角偏骨背乳膏步方 卷二十七 七

此方治瘰癧潰後補氣血進飲食為清癆之要劑
丹溪云此湯須看年紀老壯資稟壯弱症候緩急時令寒熱加減用之

清熱解毒湯 土龍疽

神效托裏散

筋疽 黃芪 忍冬葉 當歸各五錢 粉草
二錢 酒煎服渣敷患處

托裏散

發背 人參 黃芪各二錢 白朮 陳皮
常歸 熟地 茯苓 酒白芍各錢半

托裏消毒散

又 監黃芪 人參 酒當歸 白芍 川芎
白朮 茯苓各一錢 金銀花 白芷各七
分 炙草 連翹各五分

排膿十宣散

又 酒當歸 人參各八分 防風 炒桔梗
各一錢 川芎 肉桂各三分 監黃芪一錢
甘草 白芷各五分 厚朴六分 水煎服
或為末木香湯或酒下亦可

神秘陷脉散

又 黃芪 人參 赤芍 酒當歸 川芎
乳香 沒藥各五分 甘草 橘紅 地骨皮
五加皮 忍冬葉各七分 水酒煎調送乳
沒二味末

綠雲散

此方治瘡瘍初起托裏消毒行氣破血連用五
七服甚效
又鳳尾草葉背有金星者炙乾一兩 酒一
碗煎五六沸入冷酒一碗飲以醉為度 生井
中者尤佳
此方治五發生于背腦或手足瘍皆由于服金
石者服此大有奇效

黃連解毒湯

寸金丹

東垣
黃連消毒散

又黃連 黃芩 黃柏炒 山梔各錢半
此方治瘡瘍癰腫煩躁飲冷脈洪數或發狂言
又粉霜 黃蠟各三錢 乳香 烏金石
輕粉 雄黃 狗寶 沒藥各一錢 礞砂五
錢 水煎乾方可用 蟾酥二錢 狗胆一個乾
用 鱧魚肥一個乾用 金頭蜈蚣七條酥炙
黃色 頭生子乳一合 將蠟乳熬膏和藥為
丸大人菜豆大小兒芥子大用白丁香七個研
爛新汲水調下一丸重者三丸衣覆取汗勿令
透風雖無頭瘡腫三服立效服後宜用白粥
此方端治發背癰疽耐骨疼痛煩渴發熱四肢
沉重身壯熱雖至臨危口禁藥可下咽即能
蘇甦故此方別名又曰返魂丹百生丸追命丹
延壽丸來甦丸知命丸得道丸
又酒黃連 酒生地 酒歸身 羌活 酒防
黃芪各一錢 澤瀉七分 黃芩

已 黃柏 獨活 防風 葉本 蘇木 陳
皮 桔梗 各一錢 酒加母四分 甘草稍
人參 各五分 水煎入酒少許服
此方治背疽 腦疽 腫癰 疼痛 或麻木 膏梁之
人 允宜用此

內消散

又 皂角刺 七个 桃仁 四十九粒 穿山甲
炒 羚羊角 乳香 大黃 各一錢 俱為末
金銀花 花粉 厚朴 各錢半 水一鍾煎角
刺 五味至六分 調山甲等四味末
此方未成膿 即已成膿 從大便出

五利大黃湯

老 鼠 攪 大黃 黃芩 升麻 各錢二分 山
梔 芒硝 各一錢 稍熱服
此方治瘡疽初發 年壯氣盛 大小便秘 宜用此
方

紫金丹

一醉膏

乳 癰 甘草 五錢 沒藥 二錢半 瓜 萸 一个
去皮 研爛 酒三碗 煎碗半 作兩次 溫服 重者
再進一服 以瘡為度 或加當歸 白芷 乳香 尤
妙

芷貝散

此方治寇疽發背乳癰初起刺效
如聖方
加角刺一錢
又白芷 貝母 等分每末一錢酒調類服
結核以此為主加川芎當歸柴胡升麻
此方治一切乳症頻服不致潰膿若無乳者加
漏蘆酒調服

四君子湯

又 人參 茯苓 白朮 炙草

歸脾湯

又 當歸 龍眼 棗仁 遠志 人參 黃芪 白朮 茯神各一錢 木香五分 甘草炙三分 姜 棗

清肝解鬱湯

又 人參 茯苓 貝母 熟地各一錢 柴胡 陳皮 川芎 丹皮 白芍各八分 白朮 山梔 當歸各錢半 炙草五分
此方治肝經血虛風熱或鬱火傷血乳內結核或為腫潰不愈

神效瓜萋散

又 當歸 生草各五錢 乳香 沒藥各一錢 瓜萋 一个子多者良 水酒煎 一方有穿山甲 一方以此藥為末入瓜萋內重紙封微火煨存性為末每用末二錢酒下

內托升麻湯

又 升麻 葛根 連翹各錢半 黃芪 肉桂心三錢 當歸各一錢 牛蒡子五分
身形 胸膈脊背乳癰瘍方 卷二十七 二十三

分 黃柏二分
此方能治兩乳間出黑頭瘡瘡頂陷下作黑眼
子并乳癰初起

連喬橘葉湯

青皮 川芎 連喬 角刺 金銀花 橘葉
桃仁 甘草 節各一錢 治吹乳初起

茯苓開胃散

每末一錢 監湯下
此方端治胃氣鬱滯飲食不進

八物湯

川芎 當歸 白芍 熟地 延胡索
苦楝子各一錢 木香 檳榔各五分

六君子湯

人參 茯苓 白朮 甘草 半夏 陳
皮

瓜萋散

男乳症 瓜萋仁 青皮各一錢 石膏二錢
金銀花 甘草 沒藥 歸尾 角刺各五

分 橘葉打汁二匙 沖 水酒煎
此方治乳癰未潰者即散已潰者去石膏沒藥
角刺金銀花將歸尾換歸身加人參黃芪川芎
白芍

十六流氣飲

人參 黃芪 當歸各一錢 川芎 肉
桂 厚朴 白芷 甘草 防風 烏藥 枳
白芍 枳殼 木香各五分 桔梗三分
紫蘇錢半 食後服由忿怒加青皮一錢

此方通行十二經若病在一經者不用

加味道遙散

又甘草 當歸 白芍 白朮 茯苓 柴
胡各一錢 桂皮 山梔各七分

橘皮散

此方治肝脾血虛內熱發熱遍身搔痒寒熱肢
體作痛盜汗怔忡食少不卧
吹乳 去白陳皮麩炒為末 入麝少許研
每二錢末酒調下一服即效

立效神散

此方治吹乳如乳乳癰未結即消已結即潰
痛者即不痛神效
瓜蒌 生薑 去皮一兩 大黃 甘草各五錢
乳香 沒藥 末各一錢 調和作一服

五香散

又木香 沉香 丁香 乳香 麝香 等
分每粗末三錢煎散 一方無麝香有藿香
此方能治一切陰陽之氣鬱結不消結核腫痛

五香湯

又木香 沉香 丁香 麝香 乳香 甘
草各五分 人參 黃芪 犀角屑各一錢
此方治一切因血凝氣滯而生癰疽以氣血

人參敗毒散

表症 人參 羌活 獨活 柴胡 前胡
枳殼 桔梗 茯苓 川芎 甘草各一錢
胸膈脊背乳岩癆方

身形

金銀花散

又 金銀花 蜜炙黃芪 當歸 甘草各二錢半 水煎入酒半杯食後溫服
此方治乳脈不行結成癰腫疼痛不可忍者

清涼飲

陶硯 大黃 赤芍 當歸 甘草各二錢
此方治瘡瘍煩躁飲冷喉痛脈寔便秘尿赤

八珍湯

調補 人參 茯苓 白朮 炙草 川芎
當歸 白芍 熟地

十全大補湯

陽虛

四物湯

陰虛 川芎 當歸 白芍 熟地

補中益氣湯

脾虛

烏金膏

外點

背疽照火方

麝香二分 雄黃 硃砂 血竭 沒藥各一錢
研細末棉紙攤長尺許每用藥三分真麻油潤灼離瘡半寸許白外而內周圍徐徐照之火頭上出藥氣熏入毒瘡隨氣解散自不內侵
臙臙初用三條漸加至五六七條瘡勢漸消又漸減之熏罷隨用敷藥 治陰症為宜

敷藥方

又方

連根車前草 五爪龍 菴蓑草 金銀花
 等分打爛加陳米粉調如漿加飛鹽少許調敷
 瘡上留一孔拔膿出若冬月用根若畜下乾葉
 醋調敷其畜草陰乾者佳 五爪龍如一時無
 有瘡勢又急只用四味亦能奏功如初起取草
 汁半盞黃酒和飲腫內消毒自散
 將雄黃狗下頷連皮毛肉瓦上燒存性骨另洗
 存性 蚕豆 白飯各二兩各煨過與狗骨肉
 灰等分研末醋調鵝翎敷上不必留孔片時即
 瘡未膿立消已膿即出而愈已膿甚者并醋調
 服百治百效經驗獨奇
 前照火方每日照一次

身

胸膈脊背乳瘡方

卷二十七

三

腰臍病源流

沈金鰲撰

腰痛精氣虛而邪客病也。經曰：腰者腎之府，轉搖不能，腎將憊矣。此條言內傷房勞陽氣虛弱不能運動以至腰痛也。又曰：太陽所至為腰痛。又曰：巨陽虛則頭項腰背痛。此二條言膀胱之脈挾脊抵腰，別下項，是經虛則六氣之邪客之，以至痛也。而六氣所害惟寒濕居多。總之凡人精耗腎衰，則膀胱之氣亦不能獨足，故邪易侵犯，則腎虛其本也。風寒濕熱痰飲氣滯血瘀閃挫其標也。或從標或從本，貴無失其宜而已。蓋風痛者左右無定處，牽引兩足，脈必浮，宜防風蒼朮湯甚者加全蝎。一味杜仲姜汁炒為末，酒下一錢，尚治腎氣腰痛。兼治風冷痛，牛膝酒亦可。寒痛者腰間如水，得熱則減，得寒則增，脈必緊。宜姜附湯加杜仲肉桂。如兼濕須用寒濕兼治之劑。宜五積散加蒼朮麻黃濕痛者久坐水濕，或着雨露，身重天陰更甚，脈必緩。宜腎着湯若挾

風宜獨活宜加桂枝挾寒宜桂枝熱勝濕湯宜羌活須各分別用藥火熱痛者口

渴便秘脉必洪數宜甘草湯加痰飲痛者脉必滑宜二陳湯加南

壳若脉有力則痰必寔宜二錢入猪腰內煨食以微下為度氣滯

痛者脉必沉宜烏藥散死血痛者轉動若錐刀之刺大便黑小便或

黃或黑日輕夜重脉必乳宜調榮閃挫跌撲痛者痛必甚宜乳香

效更速不效必有惡血宜四物湯加桃勞役負重痛者補湯宜十全大

丸阻抑失志而痛者宜牛膝杜仲菖蒲遠憂鬱怒傷肝痛者宜乳

蒲木瓜棗仁桂宜續腰膝疼痛或頑麻無力者宜

丸腰膝痛不可忍似腎臟風毒攻刺者宜海桐腎虛腰痛不能反

側者宜羊腎卒然腰痛不可俯仰者宜炙龜甲末酒二腰痛日久不止

者宜絲瓜根燒存性每腰痛連環跳穴痛痺者宜沙苑子桂枝茯苓

末二錢酒服效甚捷宜桑寄生炒杞子

香炒茵腰髀環跳悉痛脉溢煩勞即發下焦空虚脉絡不宣所謂絡

虛則痛者。宜歸身小茴桂枝木防已老年腰膝久痛牽引少腹兩

足不堪步履。所謂奇經之脉。隸于肝腎為多者。宜薄桂當歸鹿角

相子痛之為類不一。宜各治療如此。總之諸般腰痛其源皆屬腎

虛。若有外邪。須除其邪。如無一于補腎而已。腰肢痿弱。身體疲倦。

脚膝痠軟。脉或大或細。皆無力。痛亦隱隱而不甚。是其候也。然雖

總屬腎虛。其間又宜分寒熱二患。脉細無力。短氣溺清。是為陽虛。

而屬寒。法當溫補。宜鹿茸肉蓯蓉巴戟補骨脉大無力。火炎便赤。

是為陰虛。而屬熱。法當滋補。宜六味丸加芍歸知柏龜此其要法

也。丹溪曰。若久腰痛。必用肉桂開之。方止。亦是妙法。不可不知。

脉法。內經曰。按之至骨。脉氣少者。腰脊痛而身有痺也。又曰。

尺脉沉。腰背痛。脉經曰。腰痛之脉皆沉弦。沉弦而緊者為寒。

弦而浮者為風。沉弦而濡細者為濕。沉弦而寔者為閃挫。丹

...

溪曰。腰痛脈必沉而弦。沉爲滯。弦爲虛。澁是瘀血。緩者是濕。滑者伏者是痰。大者是腎虛也。

腰痛原由症治。入門曰。腰痛者。腎之外候。一身所恃以轉移開

閤者也。然諸經貫于腎。絡于腰。腎雖外感。內傷不同。必腎虛而

後邪能湊之。故不可輕用涼藥。亦不可純用參芪補氣也。又曰。

腰痛有十。有腎虛。有痰飲。有食積。有挫閃。有瘀血。有風。有寒。有

濕。有濕熱。有氣。凡十種。食積云者。因醉飽入房。濕熱乘虛入腎。

故腰痛難以俯仰也。合用四物。二陳。加麥芽神麴葛花砂仁杜

仲黃柏桔梗。官桂枳壳治之。仲景曰。病人身體重。腰中冷。如

坐水。形如水狀。反不渴。小便自利。飲食如故。腰以下冷痛。重如

帶五千錢。腎着湯主之。鰲按此卽腎着症也。亦屬于腰治法。大抵與濕同。醫說曰。腰

痛病。面上忽見紅點。人中黑者死也。鰲按。古今醫鑑載有補

腎湯一方。可爲一切腰痛。主治之劑。或隨其風寒濕熱痰食氣。血畧爲加減可也。其方用炒破故紙鹽酒炒茴香酒炒元胡索。酒洗牛膝酒洗當歸酒炒杜仲鹽酒炒知母鹽酒炒黃柏各一錢。加姜三片空心服。今議加減之法。如有風加製草烏七分。天麻錢半。如有寒倍杜仲加桂枝炮附子各一錢。如有濕加蒼朮白朮桃仁各一錢。如有熱去破故紙加羌活一錢。黑豆三錢。如有痰減知柏一半。加製南星六分。製半夏二錢。茯苓三錢。如有食倍故紙加神麩麥芽枳寔各一錢。如有氣減知柏一半加白蔻仁白檀香各五分。烏藥青皮各一錢。如有瘀血去知柏倍元胡歸身換歸尾加肉桂柴胡各一錢。桃仁二錢。甚者加五靈脂一錢。如跌撲閃挫去知柏倍元胡歸身加羌活獨活乳香沒藥桃仁各一錢。或加肉桂赤芍酌治分數。

腰痛導引法

得效曰。病人正東坐。收手抱心。一人于前據躡。

其兩膝一人于後捧其頭。徐牽令偃臥。頭到地。三起三臥。便差。臍痛腎經病也。難經曰。十二經脈皆係于生氣之源。所謂生氣之源者。謂腎間動氣。卽下丹田也。此五臟六腑之本。十二經脈之根。呼吸之門。三焦之源也。故正理論曰。下丹田在臍下三寸。方圓四寸。着于脊梁兩腎之間。右白左青。上赤下黑。中央黃色。各曰大海。貯其精血。據此則知臍爲一身所係。而關于腎也。故仲景特傳臍築症。謂臍築湫痛。命將難痊。湫者深也。臍爲生氣之源。築痛者。生氣已絕也。海藏亦謂臍下築者。腎氣動。理中湯去朮加桂。主之。腎惡燥。故去朮。恐作奔豚。故加桂也。若悸者。加茯苓。海藏之法。誠能深體仲景者也。余嘗治一少年。數日必患腹痛。痛連少腹。臍中常濕。甚則黃水流出。診其脈兩尺皆虛。右關濡而且沉。知其有傷腎。

元又為脾濕所遏故因製方以藥令填臍中。宜沈氏填臍散內服丸劑。

氏溫臍丸數月全愈。蓋欲治臍必以治腎為主。或兼他症乃可。瘳也。小兒有臍風臍腫臍瘡等症皆由斷臍後為風寒水濕所侵而成。臍

風則必面赤喘急啼聲不出。臍腫突腹膨脹。日夜多啼不能飲乳。甚則發搐。噤口撮口。宜調氣益黃散甚者宜風散至如熱在胸堂伸引努氣亦

令臍腫發風。宜千金龍胆湯凡臍邊青黑爪甲黑者死。大約初生七日內見噤口撮口臍風三症者危。百日內見此症手足蹇者亦不治。斷

臍後傷水濕或入風冷致成臍腫必四肢不和多啼不能乳。宜柏聖散臍中血水汁出或赤腫痛乃臍瘡也。宜龍骨散臍之為病如此

臍病症治 丙經曰臍者齊也言其上下齊也。天樞之穴正當臍兩旁各二寸是為身半也。集要曰病人臍腫反出者死。臍

反出此為臍先死。凡人膿從臍中出者肚瘻也。丹溪曰水腫

身形 腰臍瘡瘍

臍突出者死。東垣曰：腸瘻為病，透臍生瘡，或膿從臍出。

連腎發者，卽下搭也。生十四椎旁，腰腎之間，其發也寒熱百節痛。

口渴。宜仙方活命飲不治，潰爛透膜而死。若咳嗽嘔噦，腰間似折。

不能俛仰者，亦死。此皆由房勞太過，有傷腎水所致也。若腰膀之

間，疽發如石，經月不潰，名石疽。由肝胃二經積熱，邪毒固結，元氣

弱，不足以起發之。故經月不潰也。急服藥以發之。宜仙方活命飲

胡黃或汗之。宜勝金丹或下之。宜一粒金丹或老弱者補之。宜人參養榮湯

各隨所宜，嘔噦不食，神昏脉散者，亦死也。纏腰火丹者，卽火帶瘡。

由心腎不交，肝火內熾，流入膀胱，纏于帶脉，故腰間生瘡，累累如

珠如束帶者，然急宜服藥以解之。宜仙方活命飲壯寔者下之。宜內疎外

用清熱解毒藥敷之。不早治，毒由臍入，亦膨脹死也。蛇纏瘡亦往

往生腰間，如蛇盤之狀。宜醋調雄黃末流注者，不盡生腰間，或四

肢關節或胸腹腿臂皆思之以腰間亦生此症故詳于此。生他處者。可一例治也。其原皆由脾胃傷損。或由房勞陰陽奏。或由營氣逆于肉裏。或由邪客腠理。或由暴怒傷肝。或由鬱結傷脾。或由濕痰流走。或由跌撲血瘀。或由產後惡露凝滯。種種之由。要必成于元氣虧損。其為症也。有結塊者。有漫腫者。有腫硬作痛者。方其未潰。急急消之。先服行氣散血之劑。宜瘡科一兩貼。隨服消散藥。宜

氏流

注散。則自愈矣。若已成者。當潰。宜托之。

宜托裏

消毒散。久而不斂者。當益

氣補血。

宜人參

養榮湯。內有膿管而不斂者。必腐化其管。

宜針

一切流注。

皆如此治法。不獨腰間流注也。臍旁紫黑。先厥後熱。少腹痛如刀

刮。二便皆澀。兩足筋縮者。有腸癰之慮。至于臍瘡。已詳上篇。不贅。

流注之屬。

薛立齋曰。有馬瘕串者。名走散流注。外形微腫。骨

內疼痛。因風熱走散四肢。治當疎風散熱。不可針烙。

繆仲淳

身形

腰臍瘡瘍

卷二十七 二天

曰馬瘕串。名不一種。但有熱者。用去熱散。有表者。用荆防敗毒散。有裏者。用內疎黃連湯。有表又有裏者。用追疔奪命湯。又曰。馬瘕。有熱未成。服藥退之。已成者。但出膿。其熱方退。若生堆核。四五必盡。出膿方退。若潰爛者。依潰瘍法治之。

治腰膈病方二十七

防風蒼朮湯

風痛
白芷

防風
川芎

蒼朮
當歸

桔梗
枳壳

陳皮
厚朴

桃仁

姜附湯

寒痛

杜仲

乾姜炮

附子炮

腎着湯

濕痛

乾姜

茯苓

白朮

甘草

獨活寄生湯

風濕
白芍
甘草

獨活
人參

牛膝
茯苓

杜仲
當歸

秦艽
熟地

細辛
防風

五積散

寒濕
當歸

白芷
茯苓

半夏
川芎

白芍
甘草

枳壳
麻黃

桂枝
陳皮

桔梗

厚朴

乾姜

蒼朮

加葱

羌活勝濕湯

濕熱 黃柏

羌活

防風

蒼朮

甘草

黃連

甘豆湯

熱痢

黑豆二合

甘草二錢

二陳湯

痰飲

茯苓

陳皮

半夏

甘草

烏藥順氣散

氣喘 凍皮

白朮

白芷

青皮

茯苓

烏藥

調榮活絡湯

死血 凝滯

大黃

牛膝

赤芍

當歸

杏仁

乳香趁痛散

血竭 閃跌

龜板

赤芍

沒藥

當歸

防風

四物湯

血虧 耳鳴

川芎

當歸

白芍

生地

每末一錢酒下

十全大補湯

勞役 虛弱

人參

茯苓

白朮

炙草

川芎

青娥丸

又 補骨脂

杜仲

胡桃肉

同蜜丸

姜 棗

續斷丸

牽引

六味丸

補陰 澤瀉

熟地

山萸

山藥

丹皮

茯苓

身形 腰臍病方

卷二十七 二九

牛兔丸

海桐皮酒

羊腎丸

沈氏填臍散

沈氏温臍丸

頭麻 牛膝 兔絲子各一兩同入銀器內酒

浸一寸五分晒為末將原酒煮糊丸空心酒下

痛極 海桐皮 苡仁各二兩 生地十兩

牛膝 川芎 羌活 地骨皮 五加皮各一

兩 甘草錢半 浸酒二斗冬十四日夏七日

日飲三次常令醺醺禁毒食 此方治濕熱而痛者 方內藥味分量切不可

添減方效 腎虛 鹿茸 兔絲子各一兩 茴香五錢

為末以羊腎二對入酒煮爛搗泥和丸陰乾每

三十五丸酒下日三服

臍濕 大附子一个 甘遂研錢半 蛇床子

研篩一錢 麝香五厘 先將附切一盞挖空

將二末裝入以盞蓋好線扎用火酒半斤入確

內將附子并挖下屑俱放在內細火同煮確口

竹紙封好蓋上放糯米七粒米熟取出切片烘

乾并屑亦烘乾同研細末入麝香再研每用一

匙填臍內外用膏藥貼之 此再平自製方也用之奇效

內服 補骨脂五錢 巴戟 白朮 杜仲

烏藥 苡仁各一兩 兔絲子兩半 蒼朮

小茴 青鹽各四錢 神麴糊丸空心米湯下

此亦再平自製方也用之效

調氣益黃散

肺風 金頭赤足蜈蚣一條酒浸炙 蝎尾四
个 白蠟蚕七個炒 瞿麥五分 每末一字
吹鼻取嚏啼哭則可治 仍用薄荷湯調一字服

千金龍胆湯

又

柏墨散

肺腫 黃柏末 釜下墨 亂髮灰 等分爲
末乾摻之或油調敷

五通膏

又 生地 生姜 葱白 蘿蔔子 田螺肉
共打爛搭臍四圍一指厚抱任下尻洩而愈

龍骨散

可 龍骨煨 枯礬少許 摻之油調敷亦

治腰臍瘡瘍方

仙方活命飲

下 穿山甲炒 白芷 防風 赤芍 甘
草 歸尾 花粉 貝母 角刺各一錢 金

銀花 陳皮各三錢 乳香 沒藥各一錢另
研末 水酒煎送下二末

黃芪內托散

又 黃芪 當歸 川芎 厚朴 桔梗 防
風 人參 甘草 白芍 白芷各五分 官

桂三分 爲末酒服 此方治潰後內虛氣虛初發亦可用

勝金丹

石 製白砒 麝香 麝酥各一錢 雄黃
辰砂 乳香 沒藥 血竭各錢半 全蝎

身形

腰臍瘡瘍方

一粒金丹

炮天龍炙去頭足 穿山甲炙各三錢 炒
姜蚕五錢 每三錢砂糖調慈頭酒下取汗
又沉香 乳香 木香各五分 巴霜一錢
半 棗肉丸炙于大每一九量人虛實先呷水
一口行一次胃氣寔者只可呷水三四口後用
水一口送下行數次米飲補之
又 人參 陳皮 黃芪 肉桂 當歸 白
木 炙草各一錢 遠志五分 白芍錢半
熟地 五味子 茯苓各八分

人參養榮湯

十全大補湯

內疎黃連湯

瘡科流氣飲

又 人參 茯苓 白朮 炙草 川芎 當
歸 白芍 熟地 黃芪 肉桂
火帶 黃連 白芍 當歸 樞榔 木香
黃芩 山梔 薄荷 桔梗 甘草各一錢
連喬 大黃各錢半 水煎量人虛寔而用
流注 人參 桔梗 肉桂 當歸 甘草
黃芪 厚朴 紫蘇 白芍 烏藥 枳壳
助風 樞榔 川芎 白芷 大香 生薑
痛加乳香沒藥 流注加羌活獨活 氣滯加
香附 胃虛加陳皮 不可多服致氣血虛耗
不能成膿
此方主恙 怒氣結塊 腫硬及風寒濕熱 搏結
經絡或血 氣不和 成腫塊 漫腫木悶者 神效

沈氏流注散

又木香錢半 雄黃五分 硃砂六分 蟬退全臣各七個 金銀花子五錢 共為末


分三服酒下

托裏消毒散

此再平白製方也用之無不效
又人參 鹽水炒黃芪 酒炒當歸 炒白芍 川芎 白朮 茯苓各一錢 金銀花 白芷各七分 炙甘草 連翹各五分

針頭散

又乳香 麝酥各一錢 研勻以兒乳汁和如泥入磁盒安放每用以唾調一些點腫處以膏藥貼之毒氣自消即發亦輕



沈氏尊生書卷二十八

雜病源流犀燭 身形門

腹少腹病源流

沈金鰲撰

腹痛五臟俱有病也。脾胃內舍心腹。肺心內舍胸膈兩脇。肝內舍
肱脇少腹。腎內舍少腹腰脊大小腸衝任脉皆在少腹。此臟腑所
舍之部位也。後世醫者都以腹分三部。大腹屬太陰脾。臍腹屬少
陰腎。少腹屬厥陰肝。竊按臟腑部位。膈下卽爲胃上口曰賁門。胃
下口曰幽門。傳入小腸處計胃長二尺六寸。則當臍正屬胃之地
分。又考十二經筋脉所到心脾筋結臍。胃筋脉亦挾臍。至腎之筋
脉從腰貫脊。並不及臍。則以大腹少腹屬脾。肝猶未盡。然而以臍
腹屬腎。尤不可解。然則臍腹何屬屬之胃而已。胃與脾表裡屬胃
仍屬之脾而已。故難經曰。臍上痛心症也。臍下痛腎症也。臍右痛

身形 腹少腹

卷二十八

肺症也。臍左痛，肝症也。臍之上下左右，難經既分屬心腎肺肝土，居中央則臍腹非屬之脾與胃乎。臍腹者，當臍也。當臍痛而用腎藥，大繆。蓋以腹痛而分屬五臟，猶厥心痛五邪相乘而病亦異也。衝任大小腸亦屬腹，每部各有氣血虛寒，內傷外感，當細察之。更有五臟之疝，不于聖丸止在腹痛者，亦宜察之。總之腹痛之病，先分寒熱虛寒，再詳至血食痰，治法備矣。腹痛多寒，亦有因熱者。寒痛，脉必沉遲，或伏。痛綿綿無增減，得寒愈甚，得熱稍緩。宜乾姜肉桂吳萸草薤仁木香厚朴陳皮甘草香附麥酒炒白芍方用厚朴溫中湯桂香散。熱痛，脉必洪數，腹中常覺有熱，時痛時止，痛處亦熱，手不可近，口乾舌燥，小便赤澀，肛門如燒。此為積熱。宜白芍黃連山梔甘草滑石木通方辨虛寒之法不一而總以可按屬虛，不可按屬寒為準。故有按之似痛，重按之却痛，大便利者為虛寒症。宜理中湯桂香散其或按之痛甚，手不可近，大

便堅者為寔熱症。宜調胃承氣湯今人但知諸痛屬寔宜破結疎利因用

枳寔青皮檳榔大黃等苟其得當亦驗若遇虛寒必更甚矣故惟

稔知壯寔與初病當下之虛弱與久病當和之而治虛之法又必

分氣血痛時常覺虛豁似饑非饑呼吸無力屬氣虛也。宜六君子湯加廣木

香若假假作痛如細筋抽引不寧又如芒刺牽引屬血虛也。宜四

加陳皮以上寒熱虛寔之辨也若食痛者脉必弦食得寒則滯得

木香熱則行宜用溫散法如乾姜蒼朮白芷川芎香附姜汁之類不可

妄用攻下峻利藥更兼行氣快氣藥助之自愈或面黃腹痛宿食

不消吞酸腹痛痰滯傷食法亦同之。宜丁香脾積丸平胃散加草薢枳寔半夏痰痛者

脉必滑小便必不利飽則暫止餓則又痛宜導痰解鬱法。宜二陳湯加香

附蒼朮川芎枳寔姜汁蓋清痰能作痛必胸腹有聲。宜芎朮散濕痰亦作痛由阻

塞氣道之故。宜四合湯重痛者不吐不瀉心腹悞悞往來上下痛有休

止。或腹中塊起。按之不見。五更心嘈。牙關強硬。惡心吐涎沫。或清

水。腹熱善渴。食厚味或飽則止。面色青白赤不定。或重攻咬。面必

黃。宜殺。驗虫之法。以面上白斑唇紅。能食心嘈。顏色不常。臉上有

蟬爪路。是其候也。小兒虫痛症最多。死血痛者。脉必孔溢。痛有定

處。或由負重努傷。或由跌撲損傷。或婦人由經來瘀閉。或由產後

惡露未盡。皆成死血。宜消血飲萬靈散。或桃仁承氣湯。加當歸蘇木紅花童便酒。以上食痰虫

血之辨也。他如脾血虛而痛。按之則止。宜益氣補血。宜人參炙草

冬石解白芍大棗。中氣虛而腹寒痛。宜補中益氣。宜人參黃芪白朮沉香五味子益智仁。陽

氣虛而絡空。冷氣乘之。當臍微痛。手按則止。不可破泄真氣。宜茯苓

姜白朮。脾陽鬱傷。每痛必週身寒慄。吐涎沫而痛止。宜升陽散鬱。

肉桂。宜半夏厚朴蘇梗生姜。陰濁腑陽不通。脉沉微。腹痛欲大便秘。宜以

延胡索草果金鈴子。辛熱通陽。宜生白朮吳萸良姜厚朴半夏。鬱傷肝脾之絡。致敗血

痰留遇勞役動怒腹痛即發宜辛通潤血宜桃仁桂枝
非白穿山甲營分虛寒

當臍腹痛暖氣遇冬必發過饑動怒亦發宜溫通營分宜肉桂當
歸炮姜茯苓

暑傷氣分長夏腹脹食減微痛宜調脾疎肝宜人參廣皮白
芍茯苓穀芽益

智仁陰毒腹痛厥逆唇青卵縮六脉欲絕宜宣通陽氣宜鴿子屎一
合研沖熱酒

一盞澄清頓服腎臟虛冷氣攻臍腹及兩脇痛不可忍宜祛散冷結宜定
痛丸

腹內熱毒絞結作痛甚至下血宜培土和中宜乾黃土煮數沸
去渣煖服一二升濕

熱腹痛按之愈甚宜升提利小便宜升麻柴胡防風葛根木
通黃連黃芩滑石車前不愈

微利之宜加熟
大黃即土鬱則奪之義久受風露積冷攻刺痛淹延

歲月百藥不效宜祛散沉寒宜和劑過飲酒漿成積作痛宜醒脾
抽刀散

解濕宜木香
茵陳湯傷濕腹痛小便秘大便洩宜燥濕利水宜胃
苓湯痰積腹

痛下白物時眩喜熱湯脉滑宜消痰煖內宜星牛
安中丸氣滯塞腹痛大

脹脉沉宜開通疎利宜木香
順氣散腹痛而兼嘔吐以陽不得降而胸熱

欲嘔。陰不得升而下寒腹痛。為升降失常。宜調燮陰陽。宜黃連湯。腹臍

絞痛。有時止。妨食。發欲死。宜宣通氣血。宜七氣湯。攪腸痧腹痛。四肢冷。

急以繫湯探吐。甚者昏倒不省人。急刺委中。或十指出血。宜藿香正氣散。

以馬蘭根葉細嚼咽汁。疝氣腹痛。即五臟疝。不于睪丸者。宜通調

臟氣。疝有腹失血後腹痛。或連少腹。宜補養營血。宜四物湯。以上皆

腹痛之由也。土材云。腹痛以白芍甘草主之。蓋甘者已也。酸者甲

也。甲已化土。此仲景之妙方也。若脈緩傷水。加桂枝。生姜。脈洪傷

金。加黃芩。大棗。脈澁傷血。加當歸。脈弦傷氣。多加白芍。脈遲傷火。

加乾姜。綿綿痛欲熱手。按脈遲者。寒也。香砂理中丸。土材加增之

法。良為仲景功臣。余又按一切腹痛。以黑神丸主之。無不效。雖然

腹之為病。有不止于痛者。如腹中鳴也。靈樞以為中氣不足。內經

以為脾氣虛。又以為病本于胃。合而推之。全屬土病。宜平胃散。而臟寒

有水亦能鳴。

宜五積散

火欲升水欲降亦相擊而多鳴。

宜二陳湯加

芩連山梔如

腹中窄狹也。

存肥人則由濕痰流灌臟腑。

宜二陳湯加

蒼木香附

瘦人則由

濕熱熏蒸臟腑。

宜二陳湯加

蒼木黃連

雖為痰為熱不同而原于濕則一故

丹溪以為此症必用蒼木能燥濕也。甚有神昏性躁心神不斂者。

宜二陳湯加遠志麥冬冬仁

有兼血虛氣弱者。

宜六君子湯

加川芎當歸總能除濕利氣使

升降自如自然平復。如腹皮麻頭或痛也。凡人夏月洗浴後往往

露腹當風其腠理開邪因入皮毛適與衛氣相值因搏擊而為麻

頑不仁。

宜多煮葱白

腎虛不能行水。

加以喜食酒麪酒與水交聚

腹中而麵毒復纏滯其氣故水滲于腹皮而作痛也。必先踈洩大

便。

宜以錢氏宜風散蜜水煎送下神保元

然後令脾腎氣復自然向安。

宜以青木香

元一分安腎

丸二分用二陳湯空心下之

如腹中有水而為涌水症也。內經言肺移寒于腎

為涌水涌水者按之腹不堅水氣客于大腸疾行則鳴濯濯如囊

裏漿水也。宜葶如腹皮。彌急或硬也。脾氣素虛。又傷風與食交固。

不散。日久而腹皮漸急而堅硬。即俗名單腹脹也。單云者。以四肢

不脹。單脹急在腹也。宜調中健脾丸以上諸欬。皆腹所生病也。而要豈止

於痛而已哉。若少腹痛。疝病為多。然有不盡由于疝者。其為症可

辨。如痛而喜按。虛也。宜溫補湯痛不可按。寔也。宜溫氣湯痛而小便不利。濕

熱也。宜五苓散加六黃滑石痛而脹急。小便反利。死血也。宜和血湯痛連陰莖。按

之則止。肝血虛也。宜補血清熱用當歸生地白芍艾草牛膝麥冬丹皮童便甘菊有汗。加人參黃芪。杏仁五味

子。痛如絞急。不可忍耐。小便如淋。諸藥不效。酒慾過度也。宜黃芩木通甘

草三味煎痛而按之有塊。時脹悶。其痛不移處。瘀血已久也。宜元

服立止痛而按之有塊。時脹悶。其痛不移處。瘀血已久也。宜元

脈法 脈經曰。脈細小緊急。腹中刺痛。陰弦。亦是腹痛。尺脈緊。

臍下痛。弦急。小腹痛。尺脈伏。或寔。小腹痛。心腹痛。不得息。脈細。

小遲者生。堅疾者死。腹痛脈反浮大而長者死。脈訣曰：心腹痛脈沉細宜。浮大弦長命必殂。醫鑿曰：尺脈弦則腹痛。

腹痛原由症治。內經曰：寒氣客于脈外則脈寒，脈寒則縮絀。

縮絀則絀急，絀急則外引小絡，故卒然而痛。因重中于寒，則痛久矣。寒氣客于背俞，其俞注于心，故相引而痛。寒氣客于厥陰之脈，則血澁脈急，故脇肋與小腹相引痛。寒氣客于五臟，厥逆上洩，陰氣竭，陽氣未入，故卒然痛死，不知人，氣復反則生矣。又曰：熱氣留于小腸，小腸中痛，痺熱焦渴，則堅乾不得出，故痛而閉不通矣。又曰：腎虛則胸中痛，大腹小腹痛，清厥意不樂，寒氣客于經脈之中，與炁氣相薄，則脈滿，滿則痛而不可按也。寒氣客于夾脊之脈，則深按之不能及，故按之無益也。正傳曰：從心下至小腹硬滿而痛者，是邪寔也，須以大陷胸湯下之。若小

腹硬滿而痛。小便利。則是畜血之症。小便不利。則尿瀦之症。直指曰寒熱死血。痰飲食積。腹痛。每每停聚不散。惟至痛則乍作乍止。去來無定。又或嘔吐清沫。此為可驗耳。

大腹外症。名腹瘕。小腹外症。名衝疽。腹瘕因于膏梁厚味。及七情火鬱。脾虛氣滯。毒聚熱壅所致。其症生于肚腹之皮裡膜外。如腹痛特甚。左關洪數。乃即腹瘕之兆。其治以未膿已膿分法。漫腫堅

硬。肉色不變。是膿尚未成之候也。宜托裡散仙方活命飲 焮腫痛甚者。邪氣

寔也。宜仍用仙方活命飲托裡散或黃連消毒散 此未膿前治法。若腫起而軟。皮色紅

是膿汁已成之候也。急速其潰。宜托裏消毒散 倘因氣血俱虛。不即自潰。

或已有白頭。宜急用替針丸 或未有白頭。宜急用針刺 總當速令出膿。切不可

誤服尅伐涼藥。致腫痛不潰。潰不能斂。甚而壯者弱。弱者死。蓋以腹皮厚而脂膜脆。使淹延日久。腫不即潰。潰不即斂。易至內腐。

腸見腑為患不小故當其未膿必以扶元解毒為主佐以行經活血之藥及其已膿亦必以健脾胃壯氣血為主佐以排膿斂口之方宜十全大補湯此已膿後治法若發于小腹疼痛寒熱其名衝疽由心火炎熾流入腎經故疽發于腎部位也宜仙方活命飲或勝金丹奪命丹逐用此症五日變色便可刺亦以速去毒膿速斂瘡口為主若失治必五十日死以小腹之為地與大腹同一要害也

治腹少腹病方三十八

厚朴温中湯

寒痛 炮姜二錢 厚朴 陳皮各錢半 赤苓 草薢煨各七分 木香 炙草各五分 姜三片 枣二枚

四順清涼飲

熱痛 大黃 當歸 赤芍 炙草各一錢二分 薄荷十葉

理中湯

虛寒

六君子湯

氣虛 半夏

人參 茯苓 白朮 炙草 陳皮

身形 腹少腹方

四物湯

血虛 川芎 當歸 白芍 熟地

丁香脾積丸

食積 三稜 蓬朮各一錢 青皮錢半 良姜醋炒 丁香 木香 巴霜各錢七分 皂莢一片燒灰 百草霜一匙 糊丸麻子大白湯下二三十丸

平胃散

又 蒼朮 厚朴 陳皮 甘草

二陳湯

痰痛 茯苓 陳皮 半夏 甘草

芎朮散

又 川芎 蒼朮 香附 白芷 等分 姜汁磨木香點熱湯調下二錢

四合湯

又 陳皮 半夏各錢半 厚朴 枳壳 赤苓 蘇葉 香附 爵金各七分 甘草五分 姜五片

殺虫丸

虫痛 鶴虱 雷丸 蕪荑 楝榔 烏梅 苦楝根 使君子肉

消血飲

死血 元胡索 歸尾 蘇木 桃仁 紅花 赤芍 五靈脂 沒藥

桃仁承氣湯

又

萬靈散

又 當歸一兩 生地六錢 肉桂 蓬朮各五錢 木香三錢 每末二錢空心酒下

五積散

此方兼治婦人少腹痛小便淋瀝是血也氣也
熱也或大小產後遺經敗血所致

寒痛 白芷 茯苓 當歸 半夏 炙草
川芎 陳皮 肉桂 枳殼 白芍 厚朴
桔梗 乾姜 蒼朮 如虛加人參白木香附

姜桂湯

砂仁 乾姜 肉桂 良姜 枳殼 陳皮 砂
仁 吳萸 厚朴 香附 木香 元胡索
小茴 甘草 乳香

桂香散

又 草豆蔻煨 良姜炒 白木 縮砂仁
炙草 煨姜 厚朴 肉桂 各一兩 青皮
訶子肉各五錢 肉桂二錢半 水一碗全煮
令乾杵作團晒研粗末每三錢入盞少許沸湯
點服

此方治脾臟久冷腹痛 空心腹痛最難得藥
此特能止痛理不可知

定痛丸

又 乾竭七錢半 焙為末以酒及童便各三
升煎如稠膏丸每二十九酒下

藿香正氣散

又 茯苓 白芷 藿香 紫蘇 大腹皮
厚朴 白朮 陳皮 桔梗 甘草

調胃承氣湯

積熱

木香茵陳湯

酒積 木香 枳殼 蓮木 黃連
黃和 大黃 牽牛 香附 當歸 田螺壳

和劑抽刀散

積冷 白姜五兩入巴豆肉二錢二分半全炒
黑去巴豆 良姜五兩入斑猫二十五个全炒
黑去斑猫 石膏滿五兩不炒 糯米六兩炒
黃 每末二錢酒下

和氣湯

虛痞 木香 紫蘇 枳殼 陳皮 半夏
香附 青皮 甘草 乳香 沒藥

胃苓湯

濕痛 蒼朮 厚朴 陳皮 甘草 白朮
內桂 赤苓 猪苓 澤瀉

星半安中湯

痰積 胆星 半夏 香附 滑石 枳壳
青皮 木香 蒼朮 山梔 砂仁 茯苓
橘紅 甘草

二陳平胃散

宿食 茯苓 陳皮 半夏 甘草 蒼朮
厚朴 山查 神麴 砂仁 草果 枳定
壯人加木香 枳殼 蓬朮 枳壳 黃連 大黃 香附 當歸

黃連湯

升降 黃連一錢 人參錢半 半夏二錢二
粉 藜麥 桂枝各八分 甘草五分 姜寒

木香順氣湯

氣滯 木香 香附 枳殼 青皮 陳皮
厚朴 蒼朮 枳壳 甘草 砂仁

七氣湯

絞痛 人參 肉桂 半夏 乳香 甘草
元胡索

腹疝湯

五臟疝 人參 黃芪 茯苓 白朮 炮附
子 沉香 木瓜 羌活 川芎 紫蘇 甘
草 加姜

香砂理中丸 寒痛

黑神丸

總治 葫蘆巴 石菖蒲各四錢 皂角去皮
弦二錢 麩枳丸每服一錢半

大陷胸湯 下劑

溫補湯

虛痛 人參 白朮 川芎 當歸 白芍
熟地 肉桂 木香 小茴 香附 元胡索

溫氣湯

寔痛 青皮 香附 小茴 木香 木通
枳榔 川棟子 元胡索

五苓散

濕熱 白朮 肉桂 茯苓 猪苓 澤瀉

和血湯

死血 桃仁 紅花 歸尾 赤芍 生地
青皮 香附

治腹少腹瘡瘍方

仙方活命飲

腹癰 穿山甲炒黃 白芷 防風 赤芍
甘草 歸尾 花粉 貝母 角刺各一錢

陳皮 金銀花各三錢 乳香 沒藥各一錢
二味另研末 水酒煎送二末

身形

腹少腹瘡瘍方

卷二十八 八

托裡散

又歸 人參 熟地 黃芪各二錢 茯苓 白芍各錢半 陳皮 當

黃連消毒散

又活 酒黃連 酒生地 酒歸身 連喬 羌 黃芪各一錢 澤瀉七分 黃芩 黃柏 炒 獨活 防風 酒防已 藜蘆 蘇木 陳皮 桔梗各一錢 酒知母四分 人參 甘草 精各五分 水煎入酒少許服

托裡消毒散

又芍 人參 鹽黃芪 酒當歸 炒白芍 川 白朮 茯苓各一錢 金銀花 白芷各 七分 甘草 連喬各五分

替針丸

又

十全大補湯

又歸 人參 茯苓 白朮 炙草 川芎 當 白芍 熟地 黃芪 肉桂

托裡當歸湯

又芍 當歸 黃芪 人參 熟地 川芎 白 芍各一錢 柴胡 甘草各五分

勝金丹

雄黃 麝香 製白 硫各五分 蟾酥一錢 全蝎 辰砂 乳香 沒藥 血竭各錢半 姜 蚕 炒 五錢 每末三錢 砂糖調葱頭酒下

奪命丹

石	又	蟾酥	輕粉	各五分	朱砂	三錢	寒水
研	枯礬	銅綠	各一錢	蝸牛	三十一	一個	另
蝸牛	乳香	沒藥	麝香	各一錢	各另	研	將
生葱	泥為丸	量添酒	糊亦可	菜豆	大每	用一	丸
汗為效	重者再服	二九	放手心	裏藥酒	下行	六七	里
此方	能治	諸般	大腫	毒			

身形 腹少 腹痞 癆方

卷二十六 九

前陰後陰病源流

沈金鰲撰

前陰諸疾。肝任督三經病也。內經曰。足厥陰之脉。入毛中。過陰器。抵少腹。是前陰為肝脉所過也。又曰。督脉者。起于少腹以下。骨中。央女子入係。廷孔。循陰器。男子循莖。下至纂。與女子等。是前陰又為督脉所過也。又曰。任脉起于中極之下。以上毛際。循腹裡。是前陰又為任脉所過也。惟為三脉所過。故前陰之病。皆係于三經。而以三經為主焉。夫前陰之病。最重者莫如諸疝。已另立篇于任脉病後。茲不必贅。茲故但詳前陰外見之疾。一曰陰痿。凡人色慾過度。精髓耗敗。傷于腎元。遂致陰痿不起。宜五精丸又有精出非法。或強忍房事。有傷宗筋。亦致陰痿不起。宜上丹還少丹又有陰濕。傷陽氣。不能伸舉。亦致陰痿不起。宜九仙靈應散又有失志之人。抑鬱傷肝。肝木不能疎達。亦致陰痿不起。宜達鬱湯加菖蒲一曰陰冷。大約下部陽

身形

前陰後陰

卷二十一

虛陰寒之氣凝結于腎。致成此疾。宜金匱腎氣丸加鹿茸又有命門火衰元

陽虛憊常痿不起亦成此疾。宜加減內固丸又有因寒疝厥冷及小腸勝

胱奔豚等症亦成此疾。宜十補丸又有因厥疝上逆囊寒卵縮亦成此

疾。宜吳茱萸黃湯又有陽氣拂鬱卒然陰結亦成此疾。宜助陽散同春散一曰陰

腫多因坐地觸風受濕或虫蟻吹呵遂令外腎腫大莖物通明或

痛或不痛小兒患此者尤多。宜蟬退散又有囊腫莖不腫不痛如水瘡

之類當別新久。新發宜三白散橘核丸散久者宜橘核丸一曰陰縱亦名陰挺由前陰

受熱則玉莖挺長不收或腫脹而痿或與股相磨難行甚至兩脇

氣逆上手足倦弱。宜柴胡清肝湯或小柴胡湯加黃連作大劑行其濕熱少加黃柏降其逆上之氣當漸収外以

絲瓜汁調五倍婦女陰挺則陰中突出一物如菌如鷄冠四圍腫

痛由肝鬱脾虛下陷所致。宜先以補中益氣湯加山梔茯苓車前青皮以清肝火升脾氣更以歸脾湯加

山梔茯苓川芎調或陰中挺出一條長尺許痛墜且尿澁。宜早服補中益氣

理外塗紫蘆膏

氣湯晚服龍胆瀉肝湯外塗蒸蘆膏或陰中生一物漸大牽引腰腹膨痛由多服熱藥或犯非理房事或意淫不遂所致宜一捻金元或洗心一曰陰縮凡人一身之筋皆以宗筋為主宗筋在毛際繫陰器寒邪乘之則宗筋急而陰必縮經故曰足厥陰之筋傷于內則不起傷于寒則陰縮也宜茱萸內消散陰囊之縮亦由於寒與傷寒熱病之熱入厥陰囊卵縮者有異蓋彼由于熱此由于寒也夫知陰囊之縮亦由寒則可知陰囊之縱亦由熱矣婦人亦有陰縮之病則陰戶急痛引入小腹是也宜加味逍遙散加知母地骨皮車前子婦人一切陰戶諸疾詳後瘡瘍條中當忝看茲不贅一曰脫陽症凡人大吐大瀉之後元氣不接四肢逆冷面黑氣喘冷汗自出外腎縮搐不省人事須臾不救與傷寒陰陽易症全急服藥救之宜大固陽湯此急症也不得緩圖

脉法 綱目曰腎脉大甚為陰痿。

前陰屬宗筋。內經曰：前陰者，宗筋之所聚，太陽陽明之所合。

也。註云：宗筋挾臍，下合于陰器。太陰脾脈、陽明胃脈皆輔近宗筋。故云合也。又曰：宗筋謂陰毛中橫骨上下之豎筋也。

後陰諸疾大小腸病也。後陰卽肛門，亦爲穀道。而其病之最重而難愈者，惟腸風及痔兩大端。如脫肛、肛門痒痛、腸澼等，亦皆後陰病。而腸風臟毒已詳諸血篇，腸澼已詳痢疾篇，脫肛、肛門痒痛已詳大腸篇，皆可勿贅。試再舉痔病言之。仲景曰：大腸有熱，必便血。小腸有熱，必痔。故痔非外邪成病，乃由臟內濕熱風燥四氣相合而成。故入門云：腸頭成塊者，濕也。腸頭墜腫者，濕兼熱也。出膿血水者，熱勝血也。作大痛者，火熱也。痒者，風熱也。大便秘者，燥熱也。小便澁者，肝臟濕熱也。其分別原由，致爲詳細。仲淳又謂瘡頭向上硬者，熱多；瘡頭向下軟者，濕多。無非本于肝脾腎三經之虛。又

曰大便作痛者則潤燥除濕肛門墜痛者則瀉火除濕小便澀滯者則清肝導濕已成漏者則補精養血其言治法大槩亦頗精當雖然痔之病不同而痔之名亦不一有五痔牡痔牝痔腸痔脉痔血痔是也俱宜五痔散神應散有九痔牛奶鼠奶鷄心鷄冠蓮花翻花蜂窩穿腸外痔是也俱宜槐角丸神應黑玉丹此皆古人隨症而定之名三因又卽五痔而增氣酒痔瘰痔之名共有八痔痔之病雖多大約可以此入者概之矣且古人定名之義莫不各因其症之大小形似以爲斷而要之毒深者其形大毒淺者其形小形雖異而寔則同固非別有所感也故治痔之法總以涼血爲主槐花槐角生地地榆所必用也又必和血生血故阿膠川芎當歸桃仁所宜用也又必寬腸行氣故枳實枳殼蒺藜木香所宜用也又必清熱故丹皮山梔黃芩連翹所宜用也又必逐濕故黃柏防已茯苓澤瀉所宜用也

又必潤燥。故麻仁、大黃、瓜蒌當歸所宜用也。又必疎風。故防風、荆

芥、秦艽、羌活所宜用也。又必止痛。故乳香、沒藥、雄黃、黃連所宜用

也。雖應病之藥正多，而治之之法不外是矣。然而痔不分于大小，

要當別其內外。八痔之名已足概痔之病，而八痔之為內為外，則

有所當知者。大約腸痔、脉痔、氣痔、血痔、酒痔，此五者皆屬內。牡痔、

牝痔、癭痔，三者皆屬外。何以見其然也？腸痔結核肛內，發則寒熱

往來，登廁肛卽脫下血出。宜獨虎散脉痔腸口癰發顆顆，且痒且

痛，下血淋漓。宜神應黑玉丹或鉤腸丸皂角刺丸氣痔憂愁毒怒，適臨乎前，立時腫

痛，氣散卽愈。宜加味香薷散血痔每大便，有清血隨下，如線而射出。宜涼

黃湯栢葉湯黃連湯酒痔每過飲酒輒發痛腫，或下血。宜乾葛湯所謂內痔

五種也。牡痔肛邊發露肉珠，狀如鼠奶，時潰膿血。宜加味槐角丸

散。牝痔肛邊一枚，生瘡陷入。宜良方五痔散痔瘡方癭痔浸淫濕爛，積月

累生其間。蝕腸穿穴。與痔漏約略相同。宜大僕丸。骨碎補丸。所謂外痔三

種也。卽此八法以爲治痔其無弗瘳乎。雖然更有雜治之法。如內

痔流血不止也。宜猪臟丸。如不拘內外痔出血。裡急疼痛。將欲成漏也。

宜蠅皮丸。如濕熱內甚。飽食腸癖。發爲諸痔。久而成瘻也。宜加味連壳丸。或痔

由血熱蘊結。壅滯不通。或一身盡熱。或日晡肌熱。或夜發熱也。宜

順清涼飲。如並無酒色之害。平時但飽食久坐而成痔也。宜三神丸。如不拘

內外痔。下血不止也。宜川歸丸。如患痔而痛甚便燥也。宜止痛丸。如腸痔生

核。且腫且痛。寒熱不休也。宜皂角煎丸。如由氣滯而發痔也。宜荊苈湯。如痔

頭向上。是大腸熱甚。收縮而上也。宜四物解毒湯。如痔發疼痛。坐卧不得。

叫喊難忍也。宜椒子散。如痔中生虫。極醫疼痒也。宜獨葉丹。如富貴人酒色

過度。喜怒不常。生痔如鼠奶連珠。或肛門腸腫膿血痛如刀割也。

宜神效散。或外痔如蓮寔鼠奶痛極之際。搽上此藥卽愈也。宜新柯湯。如痔

潰腐如爛桃多膿血也。

宜去毒散

如翻花痔腫潰不堪也。

宜荆芥湯如木鼈子散

痔發破潰其狀如鷄冠也。

宜黃連末小豆末敷

如風痔腫痛發歇不定也。

宜姜

蚕炒為末烏梅丸每五九姜蜜湯空心下

宜全蝎炒烟熏

治痔之法亦既詳且備矣。而又有痔漏者。酒色之徒其所

患。痔瘡綿延不愈。濕熱鬱久。乃敗壞肌肉。銷損骨髓。甚者穿腸透

穴而成漏管。久則內如槁白。外如黑腐。涓涓流水。清而帶黃。初則

濕熱久則濕寒矣。此與瘰癧痔相似而不同。以瘰癧痔乃痔中一種。痔

漏乃不拘何痔皆能成漏也。故丹溪謂痔輕而漏重。痔寔而漏虛。

治痔之法。不過涼血清熱。治漏之法。則初宜涼血清熱。

宜涼血飲久宜

滋竅殺虫。

宜蓮花蕊散。兼平濕散。木九。蓋初則腸胃氣寔而為

熱。久則腸胃氣虛而為寒也。據此則方書有云。痔漏專以涼血為

主者。固非有云。痔漏即瘰癧痔者。亦非矣。故患此症者。與諸毒成漏

者。固非有云。痔漏即瘰癧痔者。亦非矣。故患此症者。與諸毒成漏

者總宜大補氣血。佐以涼血清熱燥濕。方爲正治。宜加味槐角丸。參九蠟礬丸。若久而成管。必用毒藥腐爛。而後新肉可生。此其大畧也。若夫無痔之人。肛門左右。別生一竅。流出膿血。名爲草漏。與本有痔漏。肛邊別生一塊。作膿穿痔孔而出。乃食積注下也。俱連視此二種。與痔漏其爲患。又依約相似。夫東垣以痔疾爲本。于肝脾腎三經之虛。丹溪又以爲風熱燥歸于大腸。故不列于瘍科。而歸于內病也。醫者其知之。

脈法 脈經曰。緊蝕肛陰。其脈虛小者生。緊急者死。正傳曰。凡痔脈沉小寔者易治。浮洪而軟弱者難愈。

痔病原由症治 內經曰。因而醉飽。筋脈橫解。腸澼爲痔。三因曰。腸澼爲痔。如大澤中有小山突出爲痔。又于九竅中凡有小肉痔出。皆曰痔。不特于肛門邊者。有牙痔。眼痔。鼻痔等類。其狀

不一故曰痔者時也。

漢避呂后諱號痔疾爲野雞病

醫鑑曰凡痔因酒色風

氣食五事過度而變成二十四症歌曰痔症分三八。憑名仔細

看莫教年月久。見者胆心寒。菱角看形怪。蓮花不可觀。穿腸並

鼠奶。酒色兩相干。莫願翻花怨。蜂窠亦不寬。雌雄同氣血。子母

及腸盤。元珠尤可怪。釣腸痛若鑽。核桃與流氣。見者便心酸。栗

子丁中大。雞心在外安。珊瑚形可惡。那更脫肛難。內痔紅不出。

搭腸裡內。蟠垂珠更難治。日久有雞冠。切莫輕刀火。令君性命

殘。用功無半月。去病更除根。東垣曰痔核已破。謂之痔漏。

本草曰。瘻痔亦謂重痔。日久重蝕其間。痛痒不堪。或肛門間射

血如線。乃重痔也。重痔宜熏獨皮艾。入門曰痔疾有兼下疳

瘡者。有莖中出白津者。有兼瘦者。皆肝腎不足。變出。勿單用寒

涼。正傳曰。治法以苦寒瀉火。芩蓮梔子槐花之類。以辛溫和

血當歸川芎之類。風邪在下。秦艽防風升麻之類。提之燥熱。佛
鬱。大黃枳殼麻仁之類。潤之。又曰。初發便服槐角丸。熱寔服湯
藥。疎利臟腑。及浴洗熏熨。以取內消。若變成痔漏。須用寸金錠
子三五次全愈。甲乙經曰。久痔與陰相通者死。痔漏成穴。大
小便相通者亦死。綱目曰。痔根本是冷。慎冷飲食及房事。雞
肉最毒。而房事尤甚。蕎麥麵亦須忌。

前陰後陰近處所發。瘡瘍有七種。一曰便瘡。生小腹腿腠上下合縫
之間。直指所謂上不在腹。下不在腿。介乎其中是也。發于左名魚
口。發于右名便毒。總名曰便瘡。又名曰騎馬瘡。此衝任督脉之陸
道。故爲三經之病。又其處爲厥陰肝經之絡。所在厥陰經。少氣多
血。故此寔爲血疝。有一邊發者症輕。有兩邊發者症重。皆由房慾
不節。或淫心不遂。敗精搏血。留聚經隧所致。亦有交合不潔。淫火

衝動膚腠開通一時受毒而成者其來也不同其發也則一初起

時寒熱交作結核腫塊四邊浮腫相併伏硬青黑或卒然而起或

先患下疳瘰而發一兩日內當先辨其有表裡症與否如有表腫

痛發熱急散之宜劑防敗毒散襲解散如有肝家濕熱急清之宜八正散甚

飲如有裡燉痛大小便秘脈洪寔有力急瀉之宜龍胆瀉肝湯如有小便

不利肝脈數急解之宜加味龍胆瀉肝湯或服剋伐藥而致大便不

利急培之宜十全大補湯如有表裡俱無但氣血虛弱急補托宜參茸兼

用排膿清用火宜白芷角刺柴胡瀉後更須補養宜十全大補湯若不但

氣血虛重遺精滑精大便不利腰脚沉重此並下元虛矣急須溫

補宜先用六君子湯加補骨脂肉苁蓉數帖再用十全大補湯此大藥必用之法婦人亦患便

毒于兩拘腫痛腹內有塊不時上攻小便不利屬肝脾氣滯宜四

湯加芍歸柴胡山梔或間以龍胆瀉肝湯加味造遇散識此而便毒無難治矣二曰下疳生

陰壅上屬肝經濕熱或陰虛火燥或交接過度或受不潔婦人汚

穢之毒均能致此而斯症之發又當以陰虛火燥為本腫痛寒熱

為標試詳其治腫痛發熱者挾有表也宜四物湯加柴胡山梔腫痛寒熱者

肝經濕熱也宜小柴胡湯加黃連澤瀉腫痛便澁者濕熱壅滯也宜

胆瀉肝湯腫痛腐潰者氣血虛而有火也宜小柴胡湯加參朮芍歸日晡倦怠者陽

氣虛而下陷也宜補中益氣湯經久不愈者腎水不能生肝木也宜六筋

縱痒痛出白津者此即筋疔也宜龍胆瀉肝湯或間服清心蓮子

有肉突出久不愈者必成廣瘡也宜荆防敗毒散以防之有二便俱秘者火

熱勝也宜八正散至外治法不過用藥水淨洗宜甘草大豆湯再用藥或敷或

搽之宜博金散丁泥散蘆甘石散黃柏散香珠散若至腐潰綿延痛在莖之竅或在莖

之標則由小腸膀胱不利熱毒傳入肝經故色變紫黑多潰蝕也

若蝕盡玉莖則死劉涓子謂如遇此等症須用張子和泄水丸導

其濕毒先洩其根次治其標用葱白黑豆汁漂洗拭乾外以藥敷

搽宜服泄水丸或內潰膿不出用追膿散仍用子和泄水丸按消

子此法甚善不可不遵三日囊癰丹溪云囊癰但以濕熱入肝施

治而佐以補陰雖潰脫可愈蓋此症之生屬厥陰肝經不但濕熱

下注亦由陰虛所致也故法宜消毒為主兼用補劑若專攻其瘡

致陰道愈虛必生他患此囊癰所以為治大概然也若其詳悉為

治又有可得舉者初起時但覺赤腫脹痛小便澀滯寒熱作渴當

即清肝火分消濕熱宜以黑龍湯吞滋腎丸如因入房太甚或淫邪不軌囊

腫如斗小腹脹急小便結澀寒熱大作口渴痰壅則危同反掌治

之急急宜腎氣丸料煎吞滋腎丸滲利濕熱腫痛仍在者宜補陰托裡以速其

膿而針之若至便秘乃熱毒壅滯也宜托裡消毒飲或不減是熱毒未解

也宜清肝益榮湯若膿已成急托膿解毒宜仙方活命飲或潰後皮脫并羣丸懸

甚。甚至脫出其玉莖。半腐亦無害。惟宜大補氣血。大補脾胃。宜托裡散。

加黃芪。改錢五味子。兔絲子。或四物湯加參朮吞腎氣丸。外仍塗藥。宜外蠟膏。自然平復。切不可崑

用寒涼攻伐。及滲利損陰。乃促之死矣。如皮脫者。以鮮荷葉包之。

其皮自生。四日陰。頭癰。生陰。頭上屬厥陰。肝經濕熱兼注。胃經之

病。法與囊癰相似。宜加味馮肝湯。清肝益榮湯。外以鼈甲燒灰雞子白敷之。自

然痊愈。切不可用攻伐損腎傷肝之藥。五日懸癰。陰囊之後。穀道

之前。為任脈別絡。督衝二脈之會。其地肉理如縷。毒生其間。往往

易潰難合。若三陰虧損之人。又挾濕熱壅滯。其地便生懸癰。懸癰

云者。瘻形倒垂如懸物也。初覺腫痛。或小便澀滯。可藥以散之。宜

方活命飲。龍胆瀉肝湯。並加製甘草。即或不散。雖成亦輕。雖潰亦淺。其不膿不潰者。

可藥以補之。宜入物湯。其膿成者。急為針刺。如不能收斂。或因腎虛。宜

氣或因血虛。宜四物湯。或因氣虛。宜四君子湯。或因脾虛。宜補中

丸。或因血虛。宜四物湯。或因氣虛。宜四君子湯。或因脾虛。宜補中

身形 前陰後陰瘡瘍 卷二十六 十七

隨其虛而補之。自然毒散肌生。久成漏者。亦當藥以補塞。宜十全大補湯

蠟蓉丸 始終宜服國老膏。若誤用寒涼消毒之劑。必致不能收口。瀝

盡氣血而死。重則肉潰。即頽。最輕亦成漏管。六日痔瘡。生穀道左

右。初起急宜發穴。宜發穴散破後急用排膿。宜抽膿膏膿盡急當收口。宜精

花散平。始終服藥以大補脾臟為主。亦不可遷延時日。使成漏管

七日肛內瘻俗名盤肛瘻。生肛門口。乃蘊積熱毒于大腸之間。或

多食煎燂毒物。或濕熱流注日深。皆致此症。初起亦可消散。宜仙

命。若既潰破。恐腐爛難堪。必致頽命也。大約此症必以驅毒為急。

依宜肛內清熱次之。宜槐花散毋輕視也。陰瘡。此瘡有因腫一濕陰瘡。其

原由腎虛風濕邪氣乘之。瘡痒成瘡。生于隱處。浸淫汁出。狀如疥

癬。宜活血驅風散二妬精瘡。由壯年久曠房室。大慾不遂。敗精流入

莖內。陰上生瘡。赤腫潰爛。作白。痛痒妨悶。其初發則如粟粒。拂之

卽痛。或流清汁。并有生于玉門內極似疔蝕瘡。但不痛。爲異。宜涼血解

毒三陰蝕瘡。由熱結下焦。經絡澀滯。或婦人子宮有敗精停留。或

月水未斷。卽與交合。交合後。又不洗沐。污穢沾滯。遂令陰莖連累

丸腫痛。小便如淋。此所以成是瘡也。宜消疔敗毒散。涼血解毒。若

不早治。經久潰爛。侵蝕肌肉。膿血不止。卽爲下疳。又不愈。必爲楊

梅瘡。宜服藥預防。宜仙遺糧湯。或而下疳治法已詳于前。今不另

贅然。則下疳固有不由于陰蝕瘡始者。而陰蝕瘡既久。未有不

下疳者也。四腎臟風瘡。由腎虛有火。血燥所成。初起兩足時熱。脚

根作痛。多于內脛。或臙上。生瘡如癬。大痒搔破成瘡。失治漸延腿

股。并遍身者有之。其症或兼晡熱盜汗。口燥咽乾。吐痰體瘦。腰脚

倦怠。總以補腎爲主。宜腎氣丸爲主。脾胃虛者。必須補脾養胃。宜

中益氣湯爲主。佐外用敷藥。宜白膠迨至瘡生遍身。膿水淋漓。必

以腎氣丸四生散香散

兩腿更甚。體倦作痒難熬。或至經年不愈。乃腎中虛火炎熾也。宜

味尤外敷猪臟散白膠香散患此症者。每兼耳鳴目痒。鼻赤脉浮。指縫白色等

恙宜補瀉丸另有下疳瘡。與腎臟風瘡相類。生于脚脛。或打撲而成。其

瘡口小。皮內癢得極寬。皮之薄却如竹膜。極痒而痛。黃水時流。經

年不愈。又易染他人。須忌房慾。宜活血驅風散婦人血風瘡亦與

腎臟風瘡相類。乃三陰經風熱鬱火血燥所致。瘡痒不常。膿水淋

瀝。潮熱盜汗。宜當歸拈痛湯外塗大馬齒膏世俗竟以陰囊濕痒為腎臟風真屬

大謬。蓋陰囊濕痒者。由于精血不足。內為色慾所耗。外為風冷所

乘。風濕毒氣乘虛而入。囊下濕痒。或生瘡。皮脫下注。則兩脚亦生

瘡。或耳鳴眼昏。宜沐浴長春散外塗牡礬丹烏龍丸椒粉散不可不知分別。至婦女

亦有患陰瘡者。其為類亦不一。大約陰戶生瘡。皆七情鬱火損傷

肝脾。又兼濕熱下注也。故婦人陰內亦有下疳瘡。以月後便行房

事穢濁伏流陰道遂生疔瘡與男子妬精瘡略同用黃丹枯礬扁

畜藁本各一兩硫黃荆芥蛇床子各五錢蛇殼一條煨其為末別

煎荆芥蛇床子湯洗拭香油調塗之婦人又有陰中蠶瘡少陰脉

滑而數陰中或痛或痒如虫行狀膿水淋瀝亦有陰蝕幾盡者皆

由心神煩鬱脾胃虛弱致血氣留滯耳當補心養胃宜補心湯藿

內生瘡方外以藥洗之宜塌腫湯塞之宜雄黃甚或生虫痒不可忍發寒熱

若蝕入臟腑即死急用蛇床子湯洗拭外以藥搽之宜銅綠散或用梓

樹皮焙作末枯礬四分之一麝香少許敷之立效婦人又有陰蝕

瘡腫痛濕瘡常出汁水宜洗溺湯婦人又有陰腫因胞絡素虛風

邪客之乘于陰部血氣相搏之故若氣血虛弱則補之宜補中若

肝經濕熱則清之宜龍胆瀉肝湯或陰腫痛極便秘欲死宜加味逍遙散

或腫痛陰戶不閉寒熱尿溢宜加味逍遙散或腫已消而陰戶仍

不閉。宜補中益氣湯或時常陰中作痛。宜四物湯加防風藜本或但腫作痛。宜四物湯加柴

胡山梔丹或不閉而小水淋瀝腹中如有一物攻動而脹痛。宜道

皮龍胆草或柴胡山或腫痛而至潰爛。宜道或憂思過度腫痛而又濕痒出

梔車前子或水。宜歸脾湯加柴胡山或陰戶兩傍腫痛手足不能舒伸。宜四物湯料入

乳香末同搗成餅納陰中立效。總之陰戶腫痛薛氏謂即婦人便毒方書謂之疔

疥俗名瘡子故其腫痛有在兩拘小腹者由肝經濕熱壅滯。宜龍胆湯加木

湯有在玉門內外腫脹者由肝火血虛。宜龍胆湯加木陰腫

之為病為治不同如此若概投散血攻毒之藥其可乎婦人又有

陰痒大全云婦女陰痒者是虫餌所為三虫在腸胃之間因臟虛

三重動作餌于陰內其虫作微則痒重乃痛按此陰痒之虫當屬

肝風內煽所化與陰瘡之虫有異故治法亦必以清肝為主以清

其內。宜柴胡清肝湯外用藥納陰中以制其虫。宜桃仁泥或雄黃且

未或雞肝納陰中

陰痒而有虫止是一端有痒而竟無虫者或由鬱怒傷于肝脾致

陰中悶痒必兼胸膈不快內熱作渴飲食無味肢體倦怠小水赤

澀宜歸脾湯加山梔或由肝脾氣虛濕熱下注致陰內痛痒不時

出水食少體倦宜歸脾湯加丹皮或由肝脾鬱怒元氣虧損兼有

濕熱致陰中痒痛內熱倦怠飲食少思宜參苓歸芍芪朮升柴此

皆但痒而無虫者也亦有下疳痛痒難當腐爛生蛆所下如柿汁

臭穢及心中疴痛悶絕虛煩甚者則不治婦人又有陰冷由肝經

有濕熱風冷又外乘之也如冷而小腹痞痛小便赤澀宜龍胆如

冷而內熱寒熱經候不調宜加味如冷而寒熱體倦飲食少思宜

味四君如冷而鬱怒發熱少寐懶食宜加味如冷而口苦脇脹寒

子湯如冷而鬱怒發熱少寐懶食宜加味如冷而口苦脇脹寒

熱小便黃澀必先祛利濕熱宜龍胆湯再調補氣血宜加味如冷而寒

熱脇脹嘔吐若水兩股腫痛小便赤澀宜先用小柴胡湯加山梔

身形 前陰後陰瘡瘍 卷二十八 二十

如冷而小便澄清腹中亦冷。飲食少思。下元虛冷。大便溇泄。宜八

服一兩。或又謂陰冷之症。因勞傷子臟。風冷客之之故。此亦有然

也。婦人又有陰癰硬腫如卵狀。極痛難忍。皆由濕凝血結之故。宜

用攻散之劑。宜隨症之左右取穿山甲之婦人又有陰吹由胃虛

其濁氣下泄。注于陰中甚喧。若放屁連聲不絕者。宜亂髮洗淨鷄

四兩熬膏每婦人又有交接出血。陰痛乃房事有傷。肝火動脾而

不能攝血也。宜補中若血出過多而見他症。只當調補肝脾。或交

接時陽道違理及他物所傷。犯血流瀝不止。宜釜底或童女交接

陽道違理。血出不止。宜髮灰青婦人又有陰痔。凡人九竅有肉突

出者。皆名爲痔。今陰中有肉突出。故即名陰痔。俗謂之茄子疾。往

往心躁如連綿黃水出者。易治。白水出者難治。宜枳壳末煎湯熏

中即日婦人產後又有陰脫。由努力太過。如脫肛狀。逼迫腫痛。清

漸消

水續續小便淋露急用補托宜當歸黃芪飲外以藥敷五錢五倍子二錢

半為未敷患處即效婦人又有陰挺已詳前陰後陰病篇中不贅九日醫瘡

醫居少腹之後屬膀胱分野陰中之陰也道則遠位則僻雖膀胱

經本屬多血然氣運不到血亦罕至比之他處尤為僻緊中年以

後最忌此處生瘡若忝之脉症見有虛弱便當大補氣血方可保

全若用尋常瘍科家驅熱解毒之藥恐擔延事勢虛虛之禍不免

故初起未成膿者用隔蒜灸法庶乎可散若欲作膿則必潰矣宜

托羌活湯痛甚者若腫硬作痛形氣虛邪氣寔也宜托裡消毒散

宜仙方活命飲若至潰後尤宜補養宜加味十全湯以固其根本倘失補養其患

尤在結痂之後設使變症多端則成惡候其或胃氣脫陷腸鳴腹

痛神昏便溏所謂寒變內陷緩則不治者有之宜托裡溫中湯其或脾胃

虛寒手足厥冷飲食不入嘔逆吐瀉者有之宜附子湯其或真陽虧

身形 前陰後陰瘡瘍 卷三十一 七十一

損。或誤下。或膿血過多。失于補托。致上氣喘急。自汗盜汗。氣短頭

暈者有之。宜薑附湯其或氣血虛。胃火盛而發渴者有之。宜竹葉黃芪湯其或

命門火衰。不能生土。致脾胃虛寒。不思食。食不化。臍腹疼痛。夜多

漩溺者有之。宜加減八味丸其或中氣虛。諸藥不應。或用藥失宜。耗傷元

氣。虛症蜂起。但用此補中氣。諸症自退者有之。宜參朮膏其或元氣本

弱。又因涼藥傷胃。飲食少思。或作嘔瀉等恙者有之。宜托裡健中湯其或

脾土素虛。且寒水反侮土。致飲食少思。嘔吐洩瀉者有之。宜托裡益黃湯

其或一切不足之症。不膿不漬。漬後發熱惡寒。肌肉消瘦。飲食少

思。睡卧不甯。盜汗不止者有之。宜托裡養榮湯其或六鬱內傷。脾胃受制。

飲食不進。倦怠不安者有之。宜托裡越趨湯其或毒邪深固。色變紫黑者

有之。宜回毒金銀花湯其或腎水竭。口燥舌乾者有之。宜五味子湯其或熱毒

上攻致咽喉口舌生瘡者有之。宜犀角膏其或潰破後毒熱未退。大疼

不止。日夜坐卧不安者有之。宜止痛神功散以上種種皆屬惡候。其方藥

亦隨症施治。無不各當者。但種種惡候。一切瘡疽腫毒。皆能變生

至此。不獨醫癰為然也。雖詳于此。固貴當局之通變耳。總之醫癰

一症。必旬日收斂。方保無虞。若不慎房室。不節飲食。綿延成漏。則

為終身之患。至醫癰之屬。有驢馬墜。生垂珠。左右兩處。此處微寔。

皮薄而紋緊。口亦難合。易成漏管。初起急宜消散。宜散毒有澳 飲子 有澳

近骨難愈。防成漏管。有銳疽。生醫尖上。瘍科書所謂發于尻者是

也。其狀赤而且堅。不急治。三十日死。有穿襠。發生背脊盡處。亦易

成漏。當急治。有挽疽。俗名科鈎瘡。生骸骨上。初發如小豆。後大亦

不過如櫻桃。痠疼之甚。身便彎折。不能直立。宜用圍藥。移逼偏旁

處。方可刺膿。以上醫癰所屬五症。皆為要害。吃緊皆防。成漏其則

殺人。其治法于初起時。總當急為消散。俱宜仙方活命飲加羌活黃柏或金線重樓 或

腫痛甚。尺脉緊。按之無力。用內托法。宜內托。羌活湯。其壯寔入。或汗。宜丹。
或下。宜一粒。金方。老弱用補。宜十全。大補湯。各隨所宜。不可拘執。不幸而竟至膿潰。其治法總與驚癰相倣。是在醫者神而明之也。

脉法。瘡瘍脉論曰。脉沉寔。發熱煩躁。外不焮腫赤痛。其邪乃深伏在裡。宜先踈通。浮大以數。焮腫在外。當先托裡。恐邪入內。脉不沉不浮。內外症。宜審其經。當和榮衛。脉數身不熱。為內有癰膿。脉數應發熱。而反惡寒者。若有痛處。即此處發癰。若脉數不時見。當生惡瘡。按此段脉論。凡一身瘡瘍之脉。皆然。不特指前陰後陰外症言也。醫者知之。

治前陰後陰病方七十四

五精丸

陰痿 秋石 茯苓 山藥 陽起石 鹿角

上丹

霜 等分酒糊丸
又 五味子八兩 兔絲子 蛇床子 百部
根 杜仲 茯苓 防風 巴戟 肉蓯蓉
山藥 遠志 杞子 栢子仁各二兩 蜜丸
空心鹽湯下五七十九

還少丹

又熟地 杞子各兩半 山藥 牛膝 遠志 山萸 巴戟 茯苓 五味子 菖蒲 肉苁容 精寔子 杜仲 茴香各一兩 麋肉丸空心鹽湯下三五十九 亦有醫火甚而致痿者非還少丹所能起當服黃柏知母清火堅腎之藥

九仙靈應散

又炮附子 蛇床子 紫梢花 石菖蒲 遠志 海螵蛸 丁香 木鼈子各二錢 小茴錢半 每粗末五錢水三碗煎碗半溫洗并陰囊日二次留水再溫洗多洗九妙

達鬱湯

又升麻 柴胡 川芎 香附 刺蒺藜 桑皮 橘葉 熟地 山藥 丹皮 茯苓 陰冷 熟地 山藥 丹皮 茯苓 澤瀉 附子 肉桂 牛膝 車前子

金匱腎氣丸

加減內固丸

又肉苁容 巴戟 山藥 山萸 兔絲子 各三兩 破故幣二兩半 金石斛 葫蘆巴 各二兩 小茴一兩 附子五錢 蜜丸鹽湯下

十補丸

又附子一兩切如豆大用防風一兩鹽四兩黑豆一合全炒以附子裂為度去諸藥只取附子 葫蘆巴 木香 巴戟 肉桂 川棟子 肉 元胡索 葦澄茄 茴香 破故幣各一兩 酒糯米粉糊丸朱砂為衣酒下三五十九

吳茱萸湯

回春散

助陽散

蟬退散

五苓散

三疝湯

三白散

橋核散

橋核丸

川烏 細辛各七分半 吳茱萸五分 良薑 當歸 肉桂 乾姜各二分半

又 歌曰一錢白礬八分丹二分胡椒細研

焯稍一分共四味好醋調勻手內攤男左女右

合陰處渾身是汗濕衣衫此方用者如神效不

義之人不可傳

又 乾姜 牡蠣各一兩 爲末火酒調稠搽

手上用雙手揉外腎婦人揉兩乳

陰腫 蟬退五錢水煎洗腫處日三次內服五

苓散合三疝湯加青樨榔木通空心煎服

又 白木 肉桂 茯苓 猪苓 澤瀉

又 錢二分 砂仁八分 茴香錢六分 葱白

又 車前子二錢四分 桑白皮 白木 陳皮

又 木通各二錢半 每末二錢葱白或姜湯下

又 橋核錢半 桃仁十五粒 山梔一錢

又 川烏 吳茱萸各五分各炒 橋核單止痛烏頭

散寒驚山梔除濕熱又引烏頭速下不令胃中

停留用之甚捷

又 橋核炒 海藻鹽酒炒 昆布鹽酒炒

又 海帶 鹽水洗 桃仁 麩炒 川棟子炒黃各一

兩 元胡 索酒炒 厚朴 姜汁炒 枳寔 肉

桂 木香 木通 各五錢 酒糊丸酒或鹽湯

下久不消加醋煮礪砂二錢此指瘰癧卵腫
不消言

柴胡清肝湯

陰縱柴胡 山梔各錢半 人參 黃芩
川芎各一錢 連翹 桔梗各八分 甘草五
分 食後溫服

小柴胡湯

又 柴胡 黃芩 人參 半夏 甘草

補中益氣湯

婦人陰疽 人參 黃芪 當歸 白朮 柴
胡 升麻 陳皮 炙草 姜 棗

歸脾湯

又 人參 黃芪 當歸 白朮 扶神 遠
志 棗仁 圓眼 木香 甘草 姜 棗

龍胆瀉肝湯

又 柴胡 木通 青皮 山梔 龍胆草 大黃
白芍 木通 連翹 黃連 滑石 等分

藜蘆膏

又 藜蘆為末 豬油調塗一日一易
此方治消一切努肉如菌突出

一捻金丸

又 延胡索 茴香 吳萸 木香 川楝子
各二兩 梗米糊丸空心木通湯下仍用片腦
五分鐵孕粉一錢水調刷傅陰挺上

洗心散

又 麻黃 當歸 大黃 赤芍 甘草 荆
芥穗各二錢 白木五分 薄荷七葉

吳萸內消散

陰編 山莫 吳萸 馬蘭花 小茴香 青
皮 木香 山藥 肉桂

身形

前陰後陰病方

卷五 二二四

加味逍遙散

婦人陰縮 白朮 白芍 知母 當歸 茯苓 地骨皮 麥冬 生地 山梔 黃栢 桔梗 甘草

大固陽湯

腦陽痼 炮附子一个切八片 白朮 炮姜 各五錢 木香二錢半 冷灌一服須臾又進一服神效

五痔散

諸痔 猪左懸蹄甲 露蜂房 龍甲 蟬皮 各五錢 蛇退一條 各燒存性為末每二錢入麝香少許空心井水調下 一名五灰散五味各等分 按蹄甲主腸痔 龍甲主牝痔 蟬皮主牡痔 蜂房主脈痔 蛇退主氣痔

神應散

又 黃牛角腮一枚搥碎 蛇壳一條 猪牙皂角七个 穿山甲七片 猬皮一兩 各剉入缸內黃泥固膈火煨通紅候冷研細臨卧細嚼胡桃一个全酒一盞咽下便睡五更以酒調下藥末三錢辰時更進一服雖久病不過三服立效

槐角元

又 槐角四兩 地榆 黃芩 防風 當歸 枳壳各二兩 酒糊丸米飲下

神應黑玉丹

又 猬皮四兩 猪懸蹄二十五隻 牛角腮三兩 亂髮 敗棕各二兩 槐花兩半 苦

獨虎散

縮砂散

釣腸丸

皂角刺丸

加味香蘇散

涼血地黃湯

棟根兩二錢半 脂麻 雷丸各一兩 各剉
 置缸內火煨存性為末入 乳香五錢 麝香
 二錢 酒湖丸先嚙胡桃一枚以酒吞下三五
 十九日三服除根
 腸痔 五倍子五錢 水三碗煎半入 煇硝
 荆芥各一錢 乘熱熏洗另以五倍子末搽
 又 砂仁 黃連 木賊 等分每末二錢米
 飲下

脈痔 猬皮 瓜萼各一個 胡桃肉七個俱
 燒存性 鴉冠 花二兩半 生白附子 生南
 星 生半夏 訶子皮 枳壳各一兩 生附
 子 煨綠礬 枯礬各五錢 醋糊丸酒下
 又 皂角刺二兩 燒存性 防風 槐花各七
 錢半 蛇床子 枯礬 白蒺藜 槐角子各
 三錢 羌活五錢 蜂房炒焦 五倍子 枳
 壳炒各五分 醋煮菜豆粉糊丸 苦棟根湯空
 心下五十九丸 仍用熱童便入白礬洗肛門
 此二方均治脈痔痛且痒時有膿血

氣痔 陳皮 枳壳 川芎 槐花 各一錢
 蘇梗 板榔 木香 桃仁 香附 甘草各
 五分 姜三 棗二 一名橘皮湯

血痔 知母 黃柏各錢半 熟地 當歸
 槐花 青皮各七分

身形 前陰後陰病方

卷二 氏 一 五

栢葉湯

又 側栢葉 當歸 生地 黃連 枳壳
荆芥穗 地榆各一錢 炙草五分 姜三
烏梅一

黃連湯

又 黃連 當歸各二錢 甘草一錢

乾葛湯

酒痔 葛根 枳壳 半夏 赤苓 杏仁
生地各一錢 黃芩 甘草各五分 黑豆百
粒 姜三片 白梅一个

槐角元

又 槐角四兩 地榆 黃芩 防風 當歸
枳壳各二兩 酒湖九 空心米湯下

加味槐角元

牡持 槐角 生地各二兩 當歸 黃芪
黃連 黃芩 枳壳 秦芫 連喬 防風
地榆 升麻各一兩 阿膠 川芎 白芷各
五錢 酒糊丸米飲下

秦芫蒼朮湯

又 皂角仁 燒存性 秦芫 桃仁 泥各一錢
蒼朮 防風各七分 酒黃柏五分 酒當
歸 澤瀉 枳殼各三分 大黃二分 右除

枳殼 桃仁 皂角 二味為末 餘作一帖 煎好去渣
入三味末 再煎四五沸 空心熱服 以善饒屢
之一服即愈

良方

牛胆製 當歸 生地 枳壳 連喬 槐角黑
月麻 黃芩 黃柏 黃連 陳皮

荆芥穗 防風 地榆 共十三味前五味冬
用中六味減些後二味少用 三黃冬用五分
夏用錢半秋用七分

痔瘡方

又 人參 黃芪 生地 川芎 當歸 升
麻 黃芩 枳壳 黃連 等分 水煎或為
丸俱可

大儂丸

此方有涼血和血生血涼大腸之功
瘦瘠 羌活 防風 細辛 附子 甘草
川芎 續斷 白芍 白朮 當歸 麻黃
肉桂 熟地 黃芪 等分蜜丸空心鹽湯下
與骨碎補丸間服

骨碎補丸

又 骨碎補 補骨脂 熟地 當歸 兔絲
子 川斷 石楠 金石斛 牛膝 杜仲
草薺 附子 白芍 川芎 沙參 羌活
兔絲子 防風 獨活 黃芪 火麻仁 等
分蜜丸空心鹽湯下與大儂丸間服

猪臟丸

流血 梔子一兩 牙皂七分 黃連四兩
糯米半升 共為末用猪大腸一條洗淨將藥
入內兩頭扎住砂礮內煮爛搗丸米飲下 此
即臟頭丸

蝟皮丸

將成漏 艾葉炒黃 槐花 枳壳 地榆
當歸 川芎 黃芪 白芍 貫仲 枯礬各
等分 向倉灸倉有方

加味連殼丸

五錢 蝟皮一兩 髮灰三錢 雄猪蹄甲炙
焦十个 皂角一个 醋炙 蜜丸米飲下
濕熱 黃連一兩 枳壳 厚朴各五錢 當
歸四錢 木香 黃柏各三錢 荆芥二錢
蝟皮一个 糊丸每三十九丸温水下

四順清涼飲

血熱 當歸 白芍 甘草 大黃 等分

三神丸

飽飲 枳壳 皂角煨 五倍子炒 等分
九每三十九丸温水下

川歸丸

下血 川芎 當歸 黃芪 神麩 地榆
槐花各五錢 阿膠 荆芥 髮灰 木賊草
各一錢 蜜丸米飲下

止痛丸

便燥 羌活一兩 大黃八錢 枳壳 木香
肉桂 川芎各五錢 郁李仁兩半 蜜丸

皂角煎丸

腸疝 滿尺皂角三枚去弦核醋煮 蝟皮一
兩炙 枯礬一兩 雄猪鬚蹄甲十个燒存
性 桃仁去皮炒 川芎 甜葶藶炒 桔梗
各五錢 苡仁 白芷各一錢 蜜丸桑皮湯
下五十九

荆芷湯

氣滯 荆芥穗 枳壳 槐花 紫蘇 炙甘
草 香附 等分 每末二錢空心米湯下

四物解毒湯

大腸熱 枳壳 白朮 槐角 秦艽 等分
水煎服

椒子散

痛甚 坐可止痛 川椒子為末 摻少許 綿花片上放患處
到愈 桃葉二十片 梓爛塞糞門即愈

獨葉丹

富貴人 苦參 川椒 槐花 枳壳 苦葫
荊芥 白芷 連香 獨活 金銀花
小茴 麻黃 椿樹皮 煨牡蠣 芫荽子
威靈仙 各一錢 葱白三莖 水五碗煎五七
沸去渣 以盆盛之 坐上熏洗 大效 一方加大
黃茄打碎二個

神效散

外痔 陳茄柯 陳槐花 冬瓜皮 枳壳
等分 煎湯熏洗 洗後以新水調熊胆抹
爛痔 血餘灰三分 兒茶 黃連 血竭
乳香 各五錢 蜂房三分 膽礬 一分半 黃丹
四分 沒藥五分 鷄內金 燒灰一分 共為
末 先將葱鹽熱湯洗淨 敷患處 三五次愈
翻花痔 荊芥 防風 朴硝 先將此三味
煎湯洗次 用下木髓子散調敷

茄柯湯

去毒散

木髓子散 又調敷之 若有熊胆和入尤妙
痔漏 人參 黃芪 黃連 生地 川芎
當歸 槐角 黃芩 升麻 枳壳 各一錢

荊芥湯

木髓子散

涼血飲

前會受陰病方

蓮花蕊散

痔漏 蓮花蕊 黑丑頭末各兩半 當歸五錢 麝紅二錢 先忌食肉六七日然後空心食肉一頓將溫酒下藥末三錢取下膿血或虫是效

辰砂膏

製砒一錢 白礬二錢 辰砂 密陀僧各五錢 先研砒鋪餅底次用礬末鋪砒上火煨烟盡為度次將僧砂二末白糕和作挺子如小麥大取一粒塞漏孔內去敗肉盡貼生肌散

生肌散

龍骨煨五錢 寒水石煨 輕粉各一錢 乾胭脂四分半 為末乾摻之 槐角 生地各二兩 當歸 黃芪各一兩 阿膠 川芎各五錢 黃連 黃芩各一兩 枳壳 防風 連香 地榆 升麻各一兩 白芷各五錢 蜜丸每五十九漸至七十丸酒下

加味槐角丸

兩 丸酒下

黑玉丹

猬皮 牛角膠各八兩 雄豬蹄甲一百枚 雷丸 芝麻各二兩 槐角三兩 亂髮灰 敗棕灰各四兩 苦棟根二兩 五錢 麝香四錢 入權內燒存性取出入乳香一兩 麝香四錢 酒糊丸先嚼胡桃一枚酒下十五丸日二服甚者三服忌別藥與前神應黑玉丹同做

苦參丸

赤芍 苦參二兩 防風 刺芥 川烏 白芷 獨活 山梔 赤苓

蠟礬丸

皂角 山藥 蔓荊 茯苓 黃芪 羌活
白附子各五錢 草烏錢半
又 黃蠟 生白礬 等分

連槐丸

又 黃連 阿膠 山查 神曲 桃仁 連
喬 槐角 犀角 等分 為末 以少許放掌中
時時舐之 津液咽下 如三分消二 卽止 不服

治前陰後陰瘡瘍方八十九

荆防敗毒散

便癰 荆芥 防風 羌活 獨活 柴胡
前胡 人參 赤苓 桔梗 枳壳 川芎各
一錢 甘草五分

雙解散

又 辣桂 甘草各一錢 大黃三錢 牽牛
子沙 白芍 澤瀉 桃仁各二錢 姜五片
又 大黃 瞿麥 扁畜 山梔 木通 車
前子各二錢 滑石二兩 甘草一錢 水煎

仙方活命飲

又 穿山甲 白芷 防風 甘草 赤芍
歸尾 花粉 貝母 角刺各一錢 陳皮
金銀花各三錢 乳香 沒藥各一錢 二味另
研末 水酒煎送下 二末

龍胆瀉肝湯

又 龍胆草 柴胡 青皮 山梔 大黃
白芍 木通 連香 黃連 滑石 等分
身形 前陰後陰瘡瘍方

十全大補湯

又 人參 茯苓 白朮 炙草 川芎 當歸 白芍 熟地 肉桂 黃芪

六君子湯

又 人參 茯苓 白朮 炙草 半夏 陳皮 又 炙草

四君子湯

又 人參 茯苓 白朮 炙草

加味逍遙散

又 白芍 白朮 各錢二分 知母 當歸 地骨皮 各一錢 茯苓 生地 麥冬 各八分 山梔 黃柏 各五分 桔梗 甘草 各三分

四物湯

下痢 川芎 當歸 白芍 熟地

小柴胡湯

又 柴胡 黃芩 人參 半夏 甘草

補中益氣湯

又

六味丸

又 熟地 山萸 山藥 丹皮 茯苓 澤瀉

清心蓮子飲

又 黃芩 黃芪 赤苓 人參 麥冬 甘草 地骨皮 車前子 石蓮肉

甘草大豆湯

又 甘草 三兩 赤皮 蒸三根 大豆 一合 水 三升 槐條 一把 同煮 豆熟 爲度 濾清汁 熱淋 如冷 再熱 淋 一二時 大效

博金散

又 蜜陀僧另研去渣沙鍋內火炮 白礬各五錢 白堊二錢 黃丹淘 乳香各五分 麝香二分半 共研末先用槐枝蘸白鹽甘草煎湯淋洗一二時拭乾搽此藥不過三五次但用時須沐浴以免生瘡

丁泥散

此方端治下疳爛臭 又 孩兒茶錢半 珍珠五分 乳香 沒藥各二分 水片一分 絲線燒存性七分 洗搽如上法 搽此藥約厚一文錢以帚異縛如結痂即已有水出再洗

蘆甘石散

又 輕粉 黃栢各一錢 黃連 韶粉 蘆甘石煨黃連 湯淬五次各二錢 水片三分 苦茶洗乾搽 一方加龍骨人中白血竭兒茶

黃栢散

又 黃栢三錢 猪胆炙 橄欖核燒存性 陳螺螄燒存性各二錢 兒茶 輕粉各錢半 甘草洗淨搽之

香珠散

又 血竭 輕粉各五分 珍珠 水片 麝香各一分 洗淨麻油調搽或加飛丹少許 又 大戟 芫花 甘遂 海帶 海藻 郁李仁 干金子各五錢 樟柳根一兩 棗肉 丸下此丸湯藥太峻虛弱人切忌不可用

子和泄水丸

丸下此丸湯藥太峻虛弱人切忌不可用

服泄後敷藥 又 黃連 滑石各五錢 定粉三錢 輕粉 五分 乳香一錢 蜜陀僧二錢 乾糝

黑龍湯 囊癰 龍胆草炒黑 柴胡 木通 當歸 甘草節 金銀花 皂角 赤芍 吳萸水拌 炒 防風 黃連 等分 水煎一服腫痛止

滋腎丸 後加川芎茯苓 又 黃柏 鹽酒炒 知母 酒浸各一兩 肉桂 五錢 蜜丸 鹽湯下

金匱腎氣丸 又 熟地 山藥 山萸 丹皮 茯苓 澤 瀉 肉桂 附子 牛膝 車前子

托裡消毒散 又 人參 鹽黃芪 酒當歸 炒白芍 川 芎 白木 茯苓各一錢 金銀花 白芷各 七分 炙草 連翹各五分

清肝益榮湯 又 白木一錢 熟地錢半 當歸 山梔 木瓜 茯苓各一錢 龍胆草 川芎 白芍 柴胡各七分 甘草五分

托裡散 又 人參 黃芪各二錢 白木 陳皮 當 歸 熟地 茯苓 白芍 酒炒各錢半 麻油一兩煎藥枯

白蠟膏 又 黑去渣入白蠟一兩 搽化攪勻冷即成膏 此方兼治一切癰疽發背湯火等症去腐生肌 止痛補血積筋又與新肉相直其效如神加乳

又 熟地 山藥 山萸 丹皮 茯苓 澤 瀉 肉桂 附子 牛膝 車前子

又 人參 鹽黃芪 酒當歸 炒白芍 川 芎 白木 茯苓各一錢 金銀花 白芷各 七分 炙草 連翹各五分

又 白木一錢 熟地錢半 當歸 山梔 木瓜 茯苓各一錢 龍胆草 川芎 白芍 柴胡各七分 甘草五分

又 人參 黃芪各二錢 白木 陳皮 當 歸 熟地 茯苓 白芍 酒炒各錢半 麻油一兩煎藥枯

又 黑去渣入白蠟一兩 搽化攪勻冷即成膏 此方兼治一切癰疽發背湯火等症去腐生肌 止痛補血積筋又與新肉相直其效如神加乳

香沒藥龍骨血竭兒茶輕粉九妙

加味瀉肝湯

陰頭瘡 龍胆草 車前子 當歸 澤瀉
生地 黃柏 知母 白芍 黃連 防風各
一錢 甘草梢五分 食前服外敷烏金散

烏金散

又 蕤炭 紫蘇葉 等分爲末香油調塗

八物湯

懸痼

蠟礬丸

又 黃蠟 白礬 等分

發穴散

痔瘻

抽膿散

又 黃芪 當歸 金銀花 白芷 連翹
防風 甘草

精義桃花散

又 滑石四兩 寒水石炒二兩 小豆粉一
兩 乳香 輕粉各一錢 乾摻若血不止和
灯草貼瘡口上以膏藥封之

平肌散

又 蜜陀僧煨赤色 花蕊石煨赤色 白龍
骨各一兩 黃丹 乳香另研 黃連各二錢
半 輕粉一錢 乾摻

肛內瘡方

肛內瘡 蜈蚣 穿山甲 血餘灰 血管膏
毛 新鹿角 俱煨存性研每五錢酒下

槐花散

又 當歸 地榆各一錢 槐花 阿膠 枳
壳各八分 生地 白芍 黃芩 升麻各七
分 防風 側柏葉各五分

活血驅風散

陰瘡 白蒺藜 當歸 川芎 白芷 細辛
槐角 桃仁 半夏 白芍 五靈脂 生
甘草各六分 蒼朮 杜仲 肉桂 苡仁
天麻 橘紅 枳殼 厚朴 枳壳各二分
姜五片 棗二枚 煎好入乳香末一分空心
服

蒺藜散

又 製草烏 白蒺藜各五錢 白芷 白附
子生 蒼朮 荆芥各二錢半 米糊丸酒下

涼血解毒丸

又 苦參四兩 黃連二兩 連翹一兩半
大黃兩二錢半 惡露 生地 白芷各一兩
防風 石膏各五錢 荆芥湯打糊丸空心
水下

消疔敗毒散

又 柴胡錢半 黃柏 赤芍 赤苓 龍胆
草 木通各九分 連翹 荆芥 黃連 知
母 蒼朮各七分 防風 獨活各六分 甘
草三分 灯心五根

仙遺糧湯

又 土茯苓七錢 濕者一兩 防風 木瓜
木通 苡仁 白蘇皮 金銀花各五分 角

刺四分 日三服

四生散

又 白附子 白茯苓去刺 黃芪 羌活
等分 每末二錢 益酒下 一方用獨活

白膠香散

又 白膠香 赤石脂 枯礬各五錢 黃丹
淘乳香 沒藥 輕粉各二錢 如有膿水
再加輕粉一錢 濕瘡乾 搽乾瘡香油調敷

八味丸

又 熟地 山藥 山萸 丹皮 茯苓 澤
附子 肉桂

猪糞散

又 猪糞煨 枳榔各五錢 水片五分 花
椒 龍骨各一分 如有膿水加輕粉一錢

補瀉丸

又 黃芪 一兩 木通 甘草 黑丑各五錢
胡椒 七個 去翅 全炒 焦黑去斑 蒸餅 檳榔丸

枳榔散

又 枳榔 二枚 劈開 用黃丹三錢 合定 濕紙包
煨 全蝎 六枚 蛇床子 硫黃各四分 麝
香少許 輕粉 青黛各五分 清油調搽

當歸拈痛湯

血風瘡 防風 羌活 升麻 葛根 茯苓
猪苓 知母 甘草 澤瀉 茵陳 人參
苦參 白朮 蒼朮 當歸

大馬齒膏

又

身形 前後陰瘡瘍方

卷二十六 三十一

沐浴長春散

麝香 牡蠣 蛇床子 破故布 紫梢花
乾荷葉 官桂 等分 每二兩水煎入葱白三

莖再煎去渣先熏後洗再用後藥 枯礬一兩

黃丹 蛤粉各五錢 馬末搽患處

牡礬丹

又 牡蠣 炒黃丹各二兩 枯礬四兩 隨
臥即以此末擦一夜三四次二三日即愈

此方治陰囊兩邊生瘡濕水浸淫痒入骨髓無
可奈何兼治脚汗腋汗 脚汗先擦透再裝藥

于鞋底脚板上塗藥扎之

烏龍丸

又 川烏 草烏各一兩 將二味以黑豆半升
煮透軟去皮 臍切晒乾入 白附子 天麻
地龍各五錢 酒糊丸空心鹽湯下

椒粉散

又 麻黃根 二錢 貫仲 蛇床子各一錢
川椒 歸梢 猪苓各六分 斑貓四枚 輕
粉 紅花各少許 乾搽避風冷

補心湯

婦人陰虧 人參 茯苓 前胡 半夏
芍藥 各三分 陳皮 枳殼 桔梗 紫蘇 甘
草 乾姜 各五錢 當歸 白芍 各一兩 熟

藿香養胃湯

又 藿香 苡仁 烏藥 神曲 半夏 砂
仁 茯苓 白朮 人參 各五分 草澄茄

甘草各三分 加姜棗煎

陰内生瘡方 又升麻 白芷 黃連 木通 當歸 川芎 茯苓 白木 更用塌腫湯洗之

塌腫湯 又甘草 乾漆各三錢 黃芩 生地 當歸 川芎各二錢 炙鼈甲五分

雄黃蛻散 又桃仁一錢 雄黃 苦參 青葙子 黃連各二錢半 生艾汁和如小指尖大綿裏塞

洗渴湯 又龜甲五兩 黃芩 生地 當歸 白芍 各二兩 乾漆 甘草各一兩 水七升煎一半以帛洗拭乾搽瘡濕散

疔濕散 又五月五日蝦蟆一個 青木香 硫黃 鐵精 麝香各如蝦蟆分量相等乾搗

枳橘熨法 婦人陰腫 枳寔 陳皮各四兩 炒極熟絹袋盛周身從上至下及陰腫處頻熨冷即換直至喉中覺枳寔氣則痛止腫消便利矣

逍遙散 又白朮 白芍 茯苓 柴胡 當歸 麥冬各一錢 甘草 薄荷各五分 姜三片

歸脾湯 又白朮 白芍 茯苓 柴胡 當歸 麥冬各一錢 甘草 薄荷各五分 姜三片

柴胡清肝湯 婦人陰疔 柴胡 山梔各錢半 人參 黃芩 川芎各一錢 連翹 桔梗各八分 甘草

身形 前陰後陰瘡瘍方 卷二十六 三十三

草五分 食後溫服

加味歸脾湯 婦人陰冷

當歸黃芪湯 酒黃芪三錢 人參 當歸 升麻各二錢 甘草一錢 水煎日三服

加味羌活湯 羌活 黃柏 陳皮 防風 藜本 肉桂 連喬 炙草 蒼木

加味十全湯 黃芪 地黃 當歸 川芎 人參 茯苓 芍藥 白芍 白朮 陳皮 各一兩 甘草 肉桂 五味各五錢 烏藥七錢 每粗末一兩

加姜棗煎 此方須視年之老少質之壯弱症之緩急時令之寒煖加減用之

人參養榮湯 人參 肉桂 白朮 陳皮 黃芪 炙草 當歸 各一錢 遠志五分 白芍錢半 熟地 茯苓 五味 各八分

托裡溫中湯 附子 羌活 乾姜 炙草 丁香 沉香 木香 茴香 陳皮 益智仁 各一錢

附子理中湯 白朮 四錢 茯苓 白芍 人參 附子 各三錢

姜附湯 陽損 人參 附子各五錢 炮姜 白朮各二錢半

竹葉黃芪湯 胃火 竹葉五分 黃芪 麥冬 當歸 川芎 黃芩 炙草 人參 白芍 半夏 石膏煨各七分半 生地二錢 石

加減八味丸 命門衰 熟地八兩 丹皮 茯苓 澤瀉各三兩 肉桂 五味子各一兩 山萸 山藥 各四兩 蜜丸 鹽湯下

參朮膏 中虛 人參 白朮各八兩 新汲水煎膏白蜜三兩 收每三四匙開水調服口三次

托裡健中湯 元弱 半夏 炮姜各一錢 炙草五分 黃芪 肉桂三分 人參 白朮 茯苓各二錢 加姜棗

托裡益黃湯 脾虛 人參 白朮 茯苓 陳皮 半夏各一錢 炮姜 丁香 炙草各五分 姜棗

托裡養榮湯 不足 人參 黃芪 酒當歸 白芍 白朮 川芎各一錢 麥冬 生地酒拌蒸半日 甘草 五味子各五分 姜

托裡越鞠湯 六鬱傷 人參 白朮各二錢 陳皮 半夏各一錢 山梔 川芎 香附 蒼朮各七分

身形 前陰後陰倉傷方 卷八 三十三

炙甘草五分 姜 棗

回毒金銀花湯

金銀花連梗二兩 黃芪四兩 炙草
一兩 酒三碗重湯煮三個時辰服

五味子湯

水蘇 五味子 生黃芪 麥冬 人參 炙
甘草各一錢 水煎晝二服夜五服溫飲

犀角膏

熟毒 犀角 琥珀各一錢 人參 茯神
辰砂 棗仁各二錢 冰片二分半另研 共

止痛神功散

研末煉蜜調成膏磁瓶收貯每服一彈子大麥
冬湯化下日五服 潰後不宜用

潰後痛 大黃三錢 沒藥五錢 甘草節四
錢 萊豆粉 蘇木 乳香各二錢 每末一
錢白湯下

散毒飲子

騙馬陸 黃芪二兩 炙草 天羅 山藥
鬼繫腰石上者用木上者不用各五錢 每末
三錢水煎七分入酒三杯再煎三沸去渣服

勝金丹

取汗 製白砒 麝香各五分 蟾酥一錢
雄黃 辰砂 乳香 沒藥 血竭各錢半
全蝎 天龍去頭足炙 穿山甲炙各三錢

一粒金丹

炒姜蚕五錢 每末三錢砂糖調蒸頭酒下
取下 沉香 乳香 木香各五分 巴霜錢
半 毒肉丸如芡寔大每服一丸量人虛寔先

呷水一口行一次胃寔人只可呷三四口後用
水一口送下藥一丸行數次卽以米湯補之

附錄前陰後陰瘡瘍雜方

敷便腫毒方

雄黃 乳香各二錢 黃柏一錢 研末新汲
水調敷

丹溪治便毒方

紫花射干二寸 生姜指大一塊 全搗取順
流水煎一沸卽服以瀉爲度 又用牛皮膠醋
煮化塗患處

腎臟風痒方

吳萸 蛇床子 等分煎湯洗

腎臟陰汗方

菟萊根莖葉燒存性研末孤破敷之再以蛇床
子蒼耳草煎湯洗

陰囊濕瘡方

蜜陀僧 乾姜 滑石 等分研末擦之

菖蒲散

菖蒲 當歸各二錢 秦艽七錢半 吳萸五
錢 每末三錢空心葱湯下更以枳寔炒熟頓

煎若陰內膿水淋漓或痒或痛則以升麻 白
芷 黃連 木通 當歸 川芎 白朮 茯苓

芩 煎服仍用塌腫湯洗
此方端治人陰戶腫痛月水滯滯

陰際生虫
毛際作痒方

桃仁 搗爛之

身形

前陰後陰瘡雜方

卷天

三十四

女人陰瘡方

蛇床子

研末和白粉少許

綿裹囊大納陰中

下疳小便腫脹方

水片分半

研大黃一錢

研黃柏二錢二分

輕

製甘草方

連節大粉草四兩取山澗東流水一碗以甘草浸而炙炙而浸水完止研末入皂角灰少許分四服湯調下大有神效或酒煎服久自消

偷糞老鼠方

此方端治穀道前後生瘻瓦上晒白猫屎炙研酒下

加味地黃丸

熟地黃芩各兩半槐花白芷各一兩山萸獨活

黃柏杜仲山藥各八錢

丹皮茯苓澤瀉各六錢

白附子二錢

蜜丸空心米湯下五十九此方為五痔滋陰必用之藥